

O B I E C T I O.  
N E S I N  
C A T E C H I -

S M V M P V E R O R V M, C V M E A -  
rum breuibus & ueris solutioni-  
bus, quibus doctrina Cate-  
chesios fusiùs expli-  
catur.

Autore LVCA LOSSIO Lune-  
burgensi.



FRANC. Apud Chr. Egen.

*D. No. Joan. Calber  
frat. in charit.  
B. B. J.*

CITO



S  
B  
l  
o  
on  
te  
ro  
tu  
pe  
lit  
sp  
fu  
sp  
stu  
ue  
da  
da  
est  
pt  
ru  
pe



SCHOLAE LVNE-  
BURGENSIS PVERIS ET ADO-  
lescentibus, pietatis studiosis, Lucas  
Lossius S. D.



TILITER ac piè quæri  
potest, optimi pueri & a-  
dolescentes, quare Diabo-  
lus, cùm sit spiritus creatus  
initio ad imaginem Dei,  
ornatus excellenti puritate & sanctita-  
te, sicut alij angeli, tam horrendè à condi-  
tore Deo desciverit, & delectetur nunc  
turpitudinibus, ad peccata homines im-  
pellat, & Ecclesiam filij Dei tam crude-  
liter persequatur: hic rectè ac uerè re-  
spondetur: Diabolum, quia donatus  
fuit libertate, propria malitia, ac sua  
sponte lapsum esse. Sicut inquit Chri-  
stus: Diabolus ab initio peccat, & in  
ueritate non stetit. Cùm loquitur men-  
dacium, ex proprijs loquitur, quia mèn-  
dax est, & mendacij pater seu autor. Et  
est hæc defectio longè tristissima, pro-  
pter quam tot millia excellentissimo-  
rum spirituum in horribiles & æternas  
pœnas abiecta sunt: Et conspicitur ex

# PRÆFATIO.

hoc exemplo ingens & horrida ira Dei  
aduersus peccatum. Sed quæri potest  
& illud, cur tam præstans natura spiri-  
tualis, peccati ueniam non cōsequatur,  
cū homo terrenus, qui non minus gra-  
uiter cecidit, à Deo receptus est: Hic ue-  
rè illud breuiter responderetur: Creatu-  
ram & Deum sine mediatore reconcilia-  
ri non posse. Est autem unus tantū  
constitutus mediator inter Deum &  
creaturam ream, ipse filius Dei. Sicut  
testatur Diuus Paulus, priore ad Ti-  
motheum secundo: Vnus, inquit,  
Deus, unus etiam conciliator Dei & ho-  
minum, homo CHRISTVS IESVS.  
Hunc mediatorem filium Dei, quia Dia-  
bolus ab initio superbè contempnit, &  
præferri sibi, ut naturam eminentiorem  
ægrè tulit, & etiamnum insatiabili odio  
aduersus eum ardet: Ideo horrendi la-  
psus ueniam non consequitur, sed per-  
petuus manet & est hostis filij Dei, &  
eius Ecclesiæ. Hoc odium primū ex-  
arsit in paradiso, & exeruit se aduersus  
humanum genus, ex quo Ecclesiam sibi  
Deus colligere mirando consilio de-  
creuit. Ideo iterum prodicens Deus ex

## PRAEFATIO.

arcana sua sede, edidit promissionem  
 de semine, quod contritum esset ca-  
 put serpentis. Hac edita promissione,  
 statim Diabolus cœpit horribiliter in-  
 fidari calcanéo benedicti seminis, hoc  
 est, persequi Ecclesiam in Cain fratri-  
 da, & deinceps corruptela editæ pro-  
 missionis, fallis cultibus, & homicidijs  
 Ecclesiam, sponsam promissi redem-  
 ptoris persecutus est, eamq; conatus de-  
 formare, & odiosam reddere sponso fi-  
 lio Dei, ne ullos cultores haberet, à qui-  
 bus rectè agnosceretur, & celebraretur  
 Deus. His autem ultimis mundi tem-  
 poribus, ut uidetis, omnium maximè  
 sauit in genus humanum, ut uniuersam  
 Ecclesiam deleat: Et res utcunque pro-  
 cedit. Nam quot optimè constitutas  
 Ecclesias his quatuor annis, quibus Ger-  
 mania nostra intestinis bellis exarsit, in  
 regnum suum retraxit, partim turpissi-  
 ma nostra socordia, partim ingrati-  
 tudine erga Deum, qui cœlestem & salu-  
 tarem doctrinam Euangelij nostra æra-  
 te mundo restituit? Sed excubat tamen  
 pro sponsa sua filius Dei, & seruat in  
 tantis furoribus Diaboli, & membro-

## PRAEFATIO,

rum eius aliquos cœtus in urbibus & pagis, apud quos sonat adhuc incorrupta uox cœlestis doctrinæ, & retinentur ueri cultus Dei, uera notitia eius, & uera inuocatio. Et sicut dicitur Amos tertio cap. Quemadmodum pastor eruit de ore leonis duo crura, aut extremum auriculæ: ita Deus hoc quoque tempore in tantis dissipationibus, aliquas reliquias, & membra sponsæ suæ filij eruit, à quibus ipse uerè agnoscat, & inuocetur. Hoc ingens & admirandum Dei beneficium æquum est, ut omnes homines agnoscant, & gratia mentibus celebrent. Quum igitur & in nostra inclyta Luneburga, quæ nobis & multis bonis & eruditis uiris, & adolescentibus studiosis præbet hospitium, uictum, & scholam, sincera adhuc doctrina Euangelij sonet, & retineantur contra hostes, ueri cultus Ecclesiæ singularem Dei bonitatem, & nos beneficium diuinum agnoscamus, & rogemus æternum patrem Domini, & liberatoris nostri IESU CHRISTI, ut deinceps & Ecclesiam & Scholam seruare, & tueri clementer uelit, contra Diabolum, & hostes

## PRAEFATIO.

hostes ueræ doctrinæ, & uerorum cultum Dei: seruet etiam Rempublicam, & inclytum Senatum nostrum, & ciues, ut apud eos quietè discere literas & pietatem possimus. Quare uos oro & obrestor per gratiam & redemptionem Domini nostri IESV CHRISTI, ut moribus honestis & pijs ornetis salutarem doctrinam Euangelij IESV CHRISTI, cuius summam in libello nostro Catecheseos præformatam habetis pueriliter, traditamq; in eo ueram sententiam, firmis animis complectamini, & propugnetis tota uita, contra prophanas opiniones multorum.

Ad hoc collegi his diebus aliquot Argumenta seu Obiectiones, quibus impetiores fortasse perturbari possent, & breues earum adieci solutiones pias, & expeditas, ut eo pacto facilius ad calumnias Papistarum, & aliorum, respondere possitis, qui ueram sententiam celestis doctrinæ traditam per Prophetas, Filiū Dei, & Apostolos, hoc tempore admirandis præstigijs scelestè deprauant, & illudunt simplicioribus.

Bene ualete, & operam, ac uoluntatem

# PRÆFATIO.

nostram iuuandi studia uestra puerilia,  
boni & æqui, ut facitis, consulite, &  
præceptorem uestri amantissi-  
mum, redamate. Data ex  
inclyta Luneburga, An  
no 1550. 26. Septem-  
bris.

# INDEX

**INDEX PARTIVM CA-**  
**techismi.**

Decalogus, seu Decem præce-  
pta. 5 b. 12 b

Symbolum Apostolicum. 27 b.  
34 b

Oratio Dominica. 44 a. 47 b

De Poenitentia, confessione, &  
Absolutione. 52 b. 55 b. 56 b

Sacramentum Baptismatis. 63 a

Sacramentum Corporis & San-  
guinis Christi. 66 a.

# INDEX OBIECTIONVM

ac Quæstionum huius Catechismi. a, prior-  
rem: b, alteram chartæ faciem  
notat.

## A.

Anabaptistarum obiectio	63 b
An condita omnia ex nihilo	36 a
Argumenta usitatiora, quæ contra doctrinam de iustitia fidei ab aduersarijs opponi so- lent	30 b
Ascensus Christi in cælum	40 a

## B.

Baptismi Christi et Ioannis Baptiste discri- men	63 b
Baptismi necessitas	ibi.
Baptismus an sacramentum	ibi.
Bona opera	71 b
Bona opera an necessaria ad consequendam uitam æternam	ibi.
Bonorum spiritualium petitio	48 a

## C.

Catechismi doctrina an omnibus necessa- ria	54
Christus seu λόγος sitne Deus et per- sona	38 b Cæsa



# INDEX.

Cœna Domini an sacramentum	66b. 67b
de Cœnæ altera tantum specie accipienda, ob-	
iectio	68b
Cœnæ oblatio an proſit uiuis & mor-	
tuis	67b
Cœnæ ſumptio ſalubris	ibi. a
Cœnæ utraq; ſpecies ſumenda	68a
Concupiſcentia	2b. 24b
Confefſarius an peccata remittat	56b
Confefſio an retinenda in Eccleſia	55b
Coniugium	20b. 70b
Corruptio humanæ naturæ	3a
in Cruce conſolationes	72b
Cruz an ſignum amoris Dei	71a

## D.

Decalogus an abrogatus	6a
Deus an autor calamitatum humani gene-	
ris	4b. 71b
Deus unus	12b
Dilectio	29b
Diuitem eſſe an liceat	22b
Dubitatio	29b. 52a

## E.

Eccleſia quid	42b
Eccleſiæ fundamentum	3a
Eccleſiæ	

# INDEX,

Ecclesiæ glorificatio	43b
Ecclesiæ libertas spiritalis	3b
Ecclesiæ sanctificatio	43d
Euangelium audientes an omnes saluen- tur	11d
de Exauditione obiectiones	47 d. 51b
Exauditio sine filio mediatore	47b

## F.

Fides Iudæorum & Turcarum	35b
Fides piorum ueteris testamenti	ibi.
Fides sola an iustificet	30d
Fides sitne fiducia, Questio	27b
Filium Dei nasci hominem & pati, an fuerit opus	39d
Filius an portet iniquitatem patris	27d
Furta, & eorum pœne	21b

## G.

Gratia quid	31b
Gubernatio & sustentatio rerum	36b

## H.

Homicidia quæ prohibita	19d
Homo an creatus à Deo ex nihilo	1d

## I.

Imaginis Dei in homine reparatio	2d
Infantes	

# INDEX.

Infantes an baptisandi	64 a
Inuocatio piorum ueteris testamenti	13 a
Inuocatio sanctorum	44 b. 45 a
Inuocatio Turcarum & Iudeorum	13 a
Ira omnis an prohibita	20 a
de Iudicijs, obiectio	23 b
Iurare an liceat	14, a
Iuramenta seruanda quæ	15 b
Iustificare quid	33 b
Iustificationis causa	8 b
Iustitia Dei	34 a

## L.

Lapsus an reditus ad gratiam	53 a
Lapsus hominis	1 b
Legis & Euangelij discrimen	10 b
Lex an possibilis, & quomodo	7 b
Lex Moisi an tradenda Christianis	6 a
Lex non iustificat	8 a

## M.

Magistratui impio an obediendum	18 a
Magistratus	70 a
Malorum finis	51 a
Mendacium tripl. x	33 b

## O.

Obedientia erga parentes & magistratus	18 a
Offen-	

# INDEX.

Offensarum condonatio mutua	50 a
Officia ciuilia an sint cultus Dei	18 b
de Operibus (ut uocant) medijs, & traditioni- bus Ecclesiæ	76 a
Ordinaria successio	42 b

## P.

de Pane quotidiano, seu uictu	49 b
Peccata omnia an remissibilia	53 b
Peccati causa	37 b
Peccati effectus	4 a
Peccati poena	3 b
Peccatorum omnium enumeratio an necessa- ria	56 a
Periuria an liceat punire	35 a
Pij ueteris Testamenti quomodo saluati	11 b
Pœne quæ resipiscantibus imponuntur	55 a
Pœnitentiæ partes	54 a
Præceptorum Decalogi præmia & poene	26 a b
Proprium tenere an liceat	12 a

## R.

Rationes, cur recipi Adiaphora non debeant ab Ecclesijs emendatis	78 a
Rationes, quibus improbatur Sanctorum in- uocatio	46 a
Redem-	

# INDEX.

Redemptionis humane causa	48
Remissio peccatorum gratuita	98
Renati an iterum labi possint	526

## S.

de Sabbato obiectiones	164
Sacramentis non utentes an saluentur	596
Sacramenti & sacrificij discrimen	604
Sacramentorum necessitas	594
Sacramentorum ueteris & noui Testamenti discrimen	584
Sacramentorum usus	604
Sacrificia	614
Sacrificij Christi impia distinctio aduersa- riorum	626
Sacrificij species quot	606
Sacrificium Missæ	626
Sacrificiorum <i>εὐχαριστίας</i> applicatio pro alijs	616
Satisfactio	546
Spiritus sanctus an fuerit ante Christum in- carnatum	424
Spiritus sanctus an sit Deus, & distincta per- sona à patre & filio	414

## T.

Tentatio	94
----------	----

V.

# INDEX.

## V.


Vindicta prohibita quæ	196
Vocatio Christiana	696
Vocationis opera esse cultus, obiectio	704
Vocis externe energia	54

## OBIECTIO



**OBIECTIONES IN**  
**CATECHISMVM, CVM EARVM**  
*breuibus & ueris solutionibus, quibus doctrina Catechesios fusiùs explicatur.*

**IN CAPVT PRIMVM, DE CREATIONE, lapsu, & reparatione Hominis.**



**Q. VAESTIO DE CREATIONE.**

Estne creatus homo, hoc est, factus à Deo ex nihilo? Est. Quia Sapiencie 2. dicitur: Deus creauit hominem ad uitam perpetuam,

## O B I E C T I O N E S I N

**E**t ad imaginem similitudinis suae fecit illum. Et autem creare facere aliquid ex nihilo.

### C O N T R A.

1. **D**eus fecit Adam ex limo terrae, & mulierem ex costa eius. *Genesis 2. 3. & sapientiae 9.*

**E**rgo homo non est creatus ex nihilo.

### R E S P O N S I O.

**D**eus usus est limo terrae informi, & costa tanquam instrumento seu medio (sine quo tamen ut ceteras creaturas, coelum & terram, etiam hominem creare potuerat) sed in terra arida, & costa nihil hominis fuit, hoc est, nulla forma, seu habilitas ad hominem, ad eius membra & uires. Quare haec omnia creata sunt ex nihilo per uerbum Dei, sicut capit 1. dicitur: Creauit Deus hominem ad imaginem & similitudinem suam: ad imaginem Dei creauit illum, masculum & foemellam creauit illos.

### D E L A P S V.

2. **H**omo creatus est ad imaginem Dei, Imago Dei est sapientia & iustitia Dei:

**E**rgo homo Deum uerè nouit, Deo obtemperat, & per se iustus est: & per consequens, homo sua iustitia saluatur, & legi Dei satisfacit.

### R E S P O N S I O.

*Conditum*



## CATECHISMVM.

Conditus est homo initio ad imaginem Dei, orna-  
tus illustri notitia Dei, & originali iustitia, sed cir-  
cumuentus postea insidijs Diaboli, & propria ob-  
sequens uoluntati, lapsus est, & auertit se liberè à  
prima integritate, unde sapientia & iustitia origi- *Gene. 3.*  
nali priuatus est, ut iam corruptus peccato, nihil  
nisi carnalia sapiat, cogitet, agat, & uelit. 1. Co-  
rinth. 3.

### DE REPARATIONE IMA-

ginis Dei in homine.

Homo per peccatum amisit imaginem  
Dei, hoc est, ueram Dei notitiam,  
iustitiam, & uitam æternam.

Ergo nemo hominum uerè iam no-  
uit Deum, nemo ei obtemperat, &  
habet iustitiam, aut uitam æternā.

### R E S P O N S I O.

Nego consequentiam: Quia amissa imago Dei  
per peccatum, in credentibus iterum reparatur,  
& accenditur in membris noua lux, per prædica-  
tionem Euangelij, usum Sacramentorum, & Abs-  
olutionem, quibus restituitur homini gratia Dei, Spi-  
ritus sanctus, noua lux, notitia Dei, & iustitia, sicut  
Adam & Eua receperunt iustitiam & notitiam  
Dei per fidem in datam promissionem de uenturo se-  
mine contrituro caput serpentis, Gene. 3. Ad hanc  
renouationem hortatur nos Paulus, Coloss. 2. Exni-

## O B I E C T I O N E S I N

te, inquit, ueterem hominem, & induite nouum, cum qui renouatur in agnitionem Dei, secundum imaginem eius, qui creauit eum. Item Ephesi. 4. Renouamini in spiritu mentis uestrae, & induite nouum hominem, qui secundum Deum creatus est, in iustitia & sanctitate.

DE GENERATIONE HOMINIS, seu de concupiscentia.

1. Naturalia non sunt peccata.  
Generatio hominis est actio naturalis:

Ergo generatio non est peccatum, seu actio peccato obnoxia, aut rea.

### R E S P O N S I O.

Nego maiorem. Quia naturalia post lapsum Ade sunt corrupta, & peccato obnoxia, propter corruptionem naturae, quae secuta est lapsum hominis. Est igitur fallacia accidentis.

2. Concupiscentia manet in renatis.  
Ergo renati non sunt prorsus purgati à peccatis.

Roma. 5. Respondet per distinctionem: Purgati sunt inputatione per fidem. Sicut inquit Apostolus: Nulla est iam condemnatio in ijs, qui insiti sunt Christo. Igitur infirmitas reliqua propter mediatorem eis condonatur, qui eam agnoscunt, & student emendare.

DE

## DE FVNDAMENTO SEV

*capite Ecclesiæ.***Ecclesia fundata est super Petrum.**

Nam inquit Christus Matth. 16. Tu es Petrus, & super banc petram edificabo Ecclesiam meam:

**Ergo Ecclesia non est fundata super uerbum Dei, aut super Christum.**

Respondeo ad antecedens. Quia inquit Christus, Non super te Petrum, sed super banc petram, hoc est, firmam tuam de me confessionem edificabo Ecclesiam meam. Est igitur fallacia equiuocationis in coniugatis.

## DE CORRVPTIONE HV

*mane nature.*

**Ratio, ut inquit Philosophus, deprecatur de optima.**

4.

**Ergo tota natura hominis non est deprauata per lapsum Adæ.**

Respondeo ad antecedens, per distinctionem. Reliquum est in natura iudicium de discrimine bonestorum, & turpium. Item aliqua notitia legis, ut maneat in nobis testimonium de iudicio Dei. Sed uoluntas tanquam equus indomitus aurigam rapit, & pellit rationem, ne recta constanter amplectatur. Deinde ipsum iudicium non est integrum, sed plenum ignorance & dubitatione de prouidentia

## O B I E C T I O N E S I N

**2. Cor. 2.** Dei, & beneuolentia eius erga humanum genus, Sicut inquit Paulus : Animalis homo non percipit ea que sunt spiritus Dei. Est igitur fallacia. à dicto secundum quid, ad dictum simpliciter.

### DE SPIRITVALLI LIBERTATE Ecclesie.

**5.** Moriuntur etiam sancti, & sentiunt horrores peccati, & mortis, & tyrannidem Diaboli:

Ergo sancti non prorsus sunt liberati à peccato, morte, & potentia Satanæ.

Respondeo ad antecedens, per distinctionem. Sancti liberati sunt à peccato, morte, & Satana, imputatione. Item, ne desperent in terroribus, ut impij, donatur eis Spiritus sanctus, qui in ipsis est efficax, ut inchoent nouam uitam, repugnent peccatis, & tandem eluctentur è tentatione.

### DE POENA PECCATI.

**6.** Nemo patitur pœnam alieni peccati. Ergo Deus iniuste punit ceteros homines propter lapsum Adæ.

Respondeo ad antecedens, per distinctionem. Nemo patitur pœnam alieni peccati, cuius non ipse sit etiam aliqua modo particeps seu reus. Sed homines participes seu rei sunt lapsus & inobediencia Adæ parentis sui, Quia natura humana est corrupta

pta propter propagationem carnalem, quæ facit ut posteritas iam talis sit, qualis Adam pater fuit. Ideo puniuntur homines, non tantum propter peccata actualia, sed etiam propter peccatum seu vitium originis.

## DE EFFECTV PECCATI,

seu causa malorum.

Defectus nō est efficax, seu nihil agit, 7.  
quia nihil est.

Peccatū originale est defectus. Quia est, ut finit Anshelmus, carentia originalis iustitiæ.

Ergo peccatum originale non est efficax, seu nihil agit: & per consequens, peccatum non est causa calamitatum humani generis.

Respondeo ad probationem maioris, per distinctionem: Nihil, est duplex. Nihil negatiuum, quod nihil agit, Vt equus Alexandri mortuus. Et nihil priuatiuum, quod est destructio in subiecto, ut ruina in edificio, morbus in corpore. Hæc destructio agit aliquid, hoc est, mouet indignationem in mente Architecti. Sic peccatum originis in Deo primum excitat iram propter confusionem ordinis in natura. Deinde causa est vitiosorum motuum, & actualium peccatorum, quæ Deus punit poenis corporalibus & æternis.

O B I E C T I O N E S I N  
A N D E V S A V T O R C A L A -  
*mitatum generis humani.*

Deus autor est calamitatum, seu ma-  
lorum pœnæ. Quia inquit: Non est  
malum in ciuitate, quod ego non  
faciam.

Ergo peccatum non est causa calamis-  
tatum.

Respo deo ad antecedens per distinctionem: Deus  
est causa puniens, non approbans, aut uolens peccas-  
tum: peccatum est causa calamitatum efficiens, seu  
impellens mentem diuinam ad puniendum peccata,  
Psal. 5. que Deus horribiliter odit. Sicut inquit Psal Non  
Psal. 38. Deus uolens iniquitatem tu es. Item: Propter ini-  
quitatem corrumpis filios hominum,

D E C A V S A R E D E M P T I O -  
*nis humane.*

Paulus inquit, Ephe. 1. Deus elegit nos in  
Christo, antequam iacerentur fun-  
damenta mundi, ut essemus sancti  
& irreprehensibiles p charitatem.  
Ergo non solùm misericordia motus  
est Deus, ut reciperet nos, & mirra-  
ret filium, sed etiam nostra sancti-  
tate, quam Deus præiudic.

R E S P O N S I O.

Nego consequentiam: Quia est fallacia secun-  
dum

# CATECHISMVM.

9

non causam ut causam. Nam sanctitas seu electio nostra non fuit causa efficiens, seu mouens uoluntatem Dei, sed causa finalis, seu fructus redemptionis. Electio igitur sanctos fecit, non sanctitas preuisa meruit electionem.

DE ENERGIA VOCIS EX-  
terne.

Spiritus sanctus internè instituit ac 10.  
mouet mentes ad ueram pietatem,  
iuxta illud: Omnes erunt docti à  
Deo; Esai. 45.  
Ioan. 6.

Ergo non est opus uia uoce, seu externa institutione.

R E S P O N S I O.

Nego consequentiam: Quia est fallacia non sufficientium causarum. Nam tres sunt cause propinquæ pietatis, seu cognitionis Dei, Spiritus sanctus, Verbum externum, et uoluntas humana assentiens: quarum nulla negligenda est.

AN OMNIBVS OPVS SIT  
doctrina Catechismi.

Rudiores instituendi sunt in doctrina Catechismi: 11.

Ergo adulti, seu instituti antea, ea opus non habent.

R E S P O N S I O.

Nego consequentiam: Quia in contrarijs me-

A 5

## O B I E C T I O N E S I N

*diatis consequentia non ualet. Nemo autem tantam  
est consecutus huius doctrine cognitionem, ut eam  
lectione ac meditatione quotidiana augere non pos  
sit. Ideo iubet D. Petrus, ut in dies in gratia et cogni  
tione Christi Domini & seruatoris nostri cresca  
mus.*

## O B I E C T I O N E S I N D E C A L O G V M, SEV LEGEM DEL





DECALOGVM.

DE LEGE.

AN LEX MOISI TRADEN-  
da sit Christianis.

**Lex Moisi non obligat Christianos.**

Quia ab ea sunt liberati per Chri-  
stum. Sicut inquit Paulus, Rom. 6.

Non estis sub lege, sed sub gratia.

Ergo lex Moisi nō est tradenda Chri-  
stianis.

R E S P O N S I O.

Nego consequentiam: Quia est fallacia à dicto  
secundum quid, ad dictum simpliciter. Nam leges  
Moisi ceremoniales et forenses tantum abrogatæ  
sunt, non Moralis seu Decalogus. Quia sicut Lex  
naturæ aboleri non potest in mente hominis, ita et  
iam Decalogus est immutabilis, quia est nihil aliud  
quàm lex naturæ, et legis naturæ renouatio.

C O N T R A.

AN ABROGATVS DE-  
calogus.

Est lex ipsa moralis, seu Decalogus  
abrogatus. Inquit enim Paulus de tota  
lege: Non estis sub lege, sed sub gratia.  
Item: Iusto non est lex posita.

Roma. 6.  
1. Tim. 2.

Respondeo per distinctionem: Christiani non  
sunt sub lege, quantum attinet ad maledictionem, à  
qualiberati sumus per Christum, qui ἀντὶς, hoc est,  
propter

## O B I E C T I O N E S I N

poenam pro nobis persoluit: sed quantum attinet ad obedientiam, cui creatura rationalis perpetuo & immutabiliter subiecta est, propter diuinam ordinationem & uoluntatem. Deinde, lex iusto non est posita, quantum ad disciplinam attinet. Quia uenit spiritus sancto uolens obtemperat Deo. Est autem posita lex omnibus, quantum attinet ad cognitionem peccatorum, & præstandam obedientiam.

2. Doctrina adferens æterna bona, non est dicenda tristis.

Lex seu Decalogus adfert uitam æternam. Sicut inquit Christus: Si uis uitam ingredi, serua mandata Dei:

Mat. 19.

Ergo lex non est tristis doctrina.

Respondeo ad maiorem, per distinctionem: Lex adfert uitam cum conditione perfectæ impletionis. Sed nemo perfectè seruat seu implet legem, iuxta il-

Psal. 142. lud Psalmi: Non iustificabitur in conspectu tuo omnis uiuens. Ergo lex uitam non adfert sine cognitione Christi, & prælucente fide, qua statuimus nobis ignosci à Deo propter Christum, recipi nos in gratiam, inuari & exaudiri. Hæc fides seu cognitio adfert uitam & consolationem.

3. Quicquid auget peccatū, non est prædicandum.

Lex auget peccatū. Inquit enim Paulus, Roma. 6. Lex obiter intrauit, ut abund-

DECALOGVM.

7

abundaret delictum. Et priore Corinth. 15. Virtus peccati lex est.

Ergo lex non est prædicanda.

Respondeo ad minorem, per distinctionem: Lex auget peccatum non in moribus seu in uita, sed in conscijs, ut agnoscatur magnitudo peccati, & ira Dei aduersus peccatum, quam securi contemunt, sine cognitione legis.

Quod adigit ad desperationem, non est prædicandum: 4.

Lex adigit ad desperationem, ostendens iram Dei aduersus peccata, ut in Iuda & alijs conspicitur.

Ergo lex non est prædicanda Christianis.

RESPONSIO.

Lex non est sola prædicanda, sed addendum est Euangelium de reconciliatione gratuita propter Christum, quo mentes per terrefactæ cognitione peccati, & conspectu iræ Dei rursus eriguntur, & confugiunt ad mediatorem.

Lex non iustificat:

Ergo inutilis est eius prædicatio. 5.

RESPONSIO.

Nego consequentiam: Quia legis alius usus est in Ecclesia, uidelicet, primum ut peccata reuellet. Si ent inquit Paulus; Per legem est cognitio peccati. Roma. 3.  
Deinde,

## O B I E C T I O N E S I N

Deinde, ut disciplina legis coërceantur homines  
carnales. Tertiò, ut sit regula bonorum operum,  
que Deus mandauit, & approbat.

6. Christus inquit, Marci ultimo: Præ-  
dicare Euangelium omni creaturæ:  
Ergo lex non est prædicanda, sed tan-  
tùm Euangelium.

### R E S P O N S I O.

Nego consequentiam: Quia est fallacia diuisi-  
onis. Nam alibi complectens summam doctrinæ  
Euangelij, addit etiam prædicationem poenitentiae,  
seu legis, cum inquit: Agite poenitentiam, & cre-  
dite Euangelio. Marci 1.

Q V A E S T I O, A N L E X S I T  
possibilis, & quomodo.

Estne lex possibilis, seu potest ne ho-  
mo eam implere suis uiribus?

Non.

### C O N T R A.

Inquit Hieronymus: Anathema sit  
si quis dixerit, Deum impossibilia præ-  
cepisse.

### R E S P O N S I O.

Non est pugnantia in relatiuè contrarijs, diuerso  
respectu. Sic lex est impossibilis homini, sine gra-  
tia spiritus sancti: Possibilis uerò, cum à gratia Dei  
adiungo

## DECALOGVM.

8

adunatur. Vnde idem inquit : Si quis dixerit, non posse mandata Dei impleri sine gratia Dei, anathema sit.

### CONTRA.

Nemo tanta gratia donatur, ut perfectè impleat legem. Vnde Paulus ROMA. 8. inquit : Nos tantùm primitias spiritus accipere.

Ergo nemo legem implet perfectè.

### RESPONSIO.

Gratia dupliciter intelligitur. Primum de imputatione. Deinde de auxilio spiritus sancti, qui nos motus excitat in nobis, consentientes legi Dei. Etiam si igitur à perfectione longè absumus, tamen inchoata obedientia reputatur pro iustitia à Deo, qua persona accepta est propter mediatorem Christum.

### ALIA, AN LEX IUSTIFICET.

Iustificarne lex coram Deo ?

Respon. Non. Quia inquit Paulus : Arbitramur hominem fide iustificari, absque operibus legibus. ROMA. 3.

### CONTRA.

Inquit Iacobus capite 2. Videtis igitur, quòd ex operibus iustificatur homo, & non ex fide solùm.

### RESPON.

## O B I E C T I O N E S I N

### R E S P O N S I O.

Non est pugnantis: Quia Paulus loquitur de fide, quæ est fiducia misericordiæ intuens mediatorem, & propter eum accipiens reconciliationem. Iacobus uerò intelligit notitiam historię, qualis etiam est in damnatis. Ait enim: Dæmones credunt, & contremiscunt. Hæc fides non iustificat.

### A L I A O B I E C T I O, D E causa iustificationis.

Iustificatio & sanctificatio, seu renouatio perpetuò coniunctæ sunt. Ergo iustificatio & sanctificatio eadem sunt, & non tantum iusti sumus fide, seu imputatione, sed etiam renouatione, seu qualitatibus nostris.

### R E S P O N S I O.

Nego consequentiam: Quia plus est in consequente, quàm in antecedente. Nam etsi concedendum est, simul atq; iustificatur quispiam, necessario etiam consequi innouationem, tamen hinc non sequitur, unam eandemq; rem esse iustificationem & innouationem. Sicut lumen Solis & calor non sunt idem. Differunt igitur iustificatio & innouatio. Nam iustificationis causa est, gratuita imputatio: Renouationis causa est ipsa iustificatio. Sum autem coniuncta tanquam calor & ignis inseparabiliter.

Tribuitur

Tribuitur autem iustificatio non innouationi seu qualitatibus nostris, sed imputationi diuinae, seu fidei dei, ut certa sit remissio peccatorum, & tribuatur Christo honor debitus. Non esse autem iustitiam ex operibus legis, his duobus Syllogismis probatur:

Iustitia operum est perfecta legis obedientia.

10

Nemo legi perfecte obedit:

Ergo nemo est iustus operibus legis.

Oportet promissionem de remissione peccatorum

11

esse certam. Sicut inquit Paulus, Roma. 4.

Ideo ex fide datur hereditas, ut certa sit promissio.

Promissio legis pendens ex conditione operum, est incerta:

Ergo remissio peccatorum non est ex lege, sed ex fide, seu imputatione, ut sit certa.

ALIA OBJECTIO, DE GRA-

tuita remissione peccatorum.

Deus imponit Dauidi poenas post condonationem peccati. Item Daniel iubet, ut Rex Nabogdonosor redimat se à peccatis eleemosynis:

Ergo remissio peccatorum non tantum est gratuita imputatio iustitiae, sed etiam requiritur compensatio pro peccatis.

B

OBJECTIONES IN  
RESPONSIO.

Nego consequentiam: Quia Dauidi imponuntur poenae corporales post remissionem peccati, non tanquam compensatio seu satisfactio, sed ut agnosceret magnitudinem irae Dei aduersus peccatum, et haberet exercitia inuocatiōis, ac peccata diligentius uitaret in posterū. In dicto aut Danielis probata est scriptura. Redime seu libera te à peccatis, pro cessa peccare. Et requirit officia misericordiae, quae in reconciliatis sunt fructus poenitentiae, non meritum seu compensatio reconciliationis, quae accipitur gratis fide, propter mediatorem Christum.

DE GRATVITA CONDONATIONE peccatorum, testimonia.

Da aliquot locos scripturae, qui probant remissionem peccatorum esse condonationem gratuitam.

Psal. 32. inquit Dauid: Beati quorum remissa sunt iniquitates, et quorum tecta sunt peccata. Beatus uir, cui Dominus non imputauit peccatum. Paulus ad Roma 4. Credidit Abraham Deo, et imputatum est ei ad iustitiam. Ei uero qui operatur, merces non imputatur secundum gratiam, sed secundum debitum. Porro ei, qui non operatur, sed credit in eum, qui iustificat impium, imputatur fides sua ad iustitiam. Et posteriore Corinth. 3. Erat Deus in Christo, mundū sibi reconcilians, non imputando hominibus peccata.

CON-



CONTRA.

Deus summè iustus est:

Ergo non remittit peccata sine compensatione.

RESPONSIO.

Concedo argumentum: Sed filius Dei factus est compensatio, seu satisfactio nostra sustinens pro nobis poenam, ac persolvens λύτρον. Sicut inquit Esaias 53. Languores nostros ipse tulit, ut nobis sit pax, & uenia concedatur.

DE EVANGELIO.



**O B I E C T I O N E S I N  
D E D I S C R I M I N E L E G I S**

**& Euangelij, Questio.**

**Estne aliquod discrimen inter doctrinam Legis & Euangelij?**

**Respon. Est sanè.**

**C O N T R A.**

**Et Lex & Euangelium pariter offerunt remissionem peccatorum:  
Ergo nihil differunt Lex & Euangelium.**

**Respondeo per distinctionem: Lex promittit remissionem peccatorum cum conditione nostræ dignitatis, Nam requirit perfectam obedientiam erga Deum. Sed Euangelium offert gratis remissionem peccatorum, sine conditione dignitatis, & pronunciat nos iustos, hoc est, acceptos esse Deo propter Christum, etiamsi legi non satisfaciamus.**

**C O N T R A.**

**Promissio Euangelij requirit fidem & obedientiam:  
Ergo habet conditionem.**

**R E S P O N S I O.**

**Concedo argumentum. Sed requirit fidem tanquam medium, quo accipitur beneficium, & obedientiam seu nouitatem uitæ tanquam fructum, non tanquam causam reconciliationis. Nam hæc causa non est dignitas nostra, aut qualitas ulla in nobis, sed**

*sed tantum meritum Christi extra nos, quod ideo fit de accipiendum gratis offertur, ut certa sit reconciliatio, & honor reconciliationis Christo tribuatur. Vt inquit Paulus: Ideo ex fide, ut firma sit promissio. Roma. 4.*

A L I T E R.

Lex habet promissionem uitæ æternæ, sicut Euangelium, ut: Qui fecerit ea, uiuet in eis. Et Christus dicit: Hoc fac, & uiues. Deut. 27. Matt. 19.

Ergo Lex & Euangelium nihil differunt.

R E S P O N S I O.

Nego consequentiam: Quia est dissimilitudo promissionum Legis & Euangelij. Nam promissiones legis habent conditionem implende legis. Vt est hæc: Qui fecerit ea, uiuet in eis. Sed promissio Euangelij, quæ propriè est remissio peccatorum, gratuita est, requirens tantum fidem assensumque promissioni. Sicut inquit Christus: Qui credit in me, habet uitam æternam. Ioannis 6.

Q V A E S T I O.

Estne aliud discrimen Legis & Euangelij? Respon.

Est utiq;. Nam lex natura nota est. Sicut testatur Paulus, ad Romanos 1. Euangelium uerò non est natura notum, sed reuelatum est diuinitus. Vnde

## O B I E C T I O N E S I N

1. Cor. 2. *Paulus mysterium absconditum uocat. Et Ioannes*

1. Col. 1. *inquit: Filius unigenitus, qui est in sinu patris, ipse enarrauit nobis Ioan. 1.*

### C O N T R A.

Si lex natura nota fuit, quid opus fuit  
eam promulgari per Moysen?

### R E S P O N S I O.

*Tres sunt causæ. Prima, quia lex nature erat obscurata in plerisque hominibus. Secunda, ut expressa uox, & testimonium Dei extaret, exigentis & approbantis obedienciã. Tertia, ut sciremus eam esse ueram normam in mente diuina, discernentem iusta & iniusta, & agnosceremus eam esse iudicium æternum et immutabile aduersus peccatũ, ut ira Dei agnita, quaereretur promissio Messie.*

A L I A O B I E C T I O, Q V O M O D O  
saluti sint p̃ij ueteris testamenti.

Sine cognitione Euangelij non est remissio peccatorum gratuita.

In ueteri testamento non habuerunt Euangelium. Inquit enim Ioannes: Lex per Moysen data est, gratia autem & ueritas per Iesum Christum facta est.

Ergo non habuerunt in ueteri testamento gratuitam remissiõem peccatorum.

R E S P O N S

# DECALOGVM.

12

## R E S P O N S I O.

Nego minorem. Quia promissio edita statim post lapsum Adæ, de semine contrituro caput serpentis, hoc est, de Messia, uerè Euangelium fuit. Item hæc Gene. 22. In semine tuo benedicentur omnes gentes. Loquitur autem Ioannes de præcipuo officio Moysi, quod erat promulgare legem, & discernit legem ab Euangelio, & utriusq; promissiones. Nec tantum Euangelium dicendæ sunt promissiones Noui testamenti, sed etiam dicta Moysi & Prophetarum de Messia, & eius beneficijs æternis.

ALIA, AN OMNES SALVENTUR  
audientes Euangelium.

Euangelium est promissio salutis uniuersalis, pertinens ad omnes:  
Ergo omnes audientes Euangelium  
consequuntur salutem.

## R E S P O N S I O.

Nego consequ. Quia promissio Euāgelij, ut supra dictum est, requirit conditionem fidei, quæ correlatiuum est promissionis. Vnde inquit Ioannes cap. 1. Dedit potestatem filios Dei fieri his, qui credunt in nomine ipsius. ideo non omnes saluantur, quia non omnes, ut inquit Paulus, Roma. 10. Euangelio obediunt.

OBIECTIONES IN  
DE PRIORE TABV.  
la Decalogi.

PRIMUM PRAECE-  
PTVM.

Non habebis deos alienos.



OBIECTIO, DE VNITA-  
te Dei.

Vnus est tantum uerus Deus.  
Ergo nemo potest habere deos alios  
nos,

REPO-

PRIMUM PRAECEPTUM. 13

R E S P O N S I O.

Nego consequentiam: Quia est fallacia equiuocationis. Nam habere Deum, significat fiduciam ac spem suam collocare in Deum. Habent igitur alienos deos, qui in aliā rem quamcunq; quæ non est Deus, fiduciam suam ponunt, & ab ea auxilium petunt et expectant. Nam illud, ut inquit Diuus Augustinus, cuiq; Deus, quod toto pectore colit.

ALIA, DE INVOCATIONE

Turcarum & Iudeorum.

Iudæi & Turcæ colunt & inuocant unum & æternum Deum, qui est conditor rerum:

Ergo uerum Deum colunt & inuocant.

R E S P O N S I O.

Nego antecedens. Quia Iudæi & Turcæ dupliciter aberrant à uero Deo. Primum in essentia, quia non inuocant aut colunt eū Deum, qui est pater Domini nostri Iesu Christi, extra quem Deus non rectè cognoscitur. Deinde aberrant etiam in uoluntate Dei, quæ tantum in filio clucet, tanquam in imagine, quem Iudæi & Turcæ non agnoscunt, sed horribiliter blasphemant.

ALIA, DE INVOCATIONE

piorum Veteris testamenti.

## O B I E C T I O N E S I N

Patres Veteris testamenti non inuocauerunt Deum, qui est pater Domini nostri Iesu Christi, sed qui Israëlitas eduxit de Aegypto:

Ergo non inuocauerunt uerū Deum: aut Iudæi hoc tempore uerum Deum inuocant & colunt.

## R E S P O N S I O.

Nego antecedens. Quia etiam patres Veteris testamenti inuocarunt Deum, qui est pater Domini nostri Iesu Christi, quem Deus eis promisit, & filius ille ipse Deus fuit, quo ducente & præcunte egressi sunt Israëlitas ex Aegypto. Sicut inquit Diuus Paulus, priore Corinth. 10. Comitante eos petra, fuit autem petra Christus.

Deinde nego consequentiam: Quia est dissimilitudo. Nam patres habuerunt mandatum, ut eum Deum inuocarent ac colerent, qui Israëlitas eduxit ex Aegypto. Iam habemus nouum mandatum, ut credamus in eundem Deum, sed qui misit filium mediatorem, de quo clamauit:

Hunc audite, Matthæi 17.

SECVN



SECUNDVM PRAECEPT. 14  
SECUNDVM PRAECE-  
PTVM.

Non assumes nomen Domini  
Dei tui in uanum.



QVAESTIO, AN IVRARE  
liceat.

Licet ne Christiano iurare?

*Etiam, cum id aut iubet magistratus, aut uocatio  
et gloria Dei exigit. Quia lex inquit: In nomine Deut. 6.  
Dei tui iurabis. Et Paulus iuramento usus est, poste-  
riore Corinib. 1. Ego autem Deum testem inuoco ad  
uersus animam meam.*

CON-

O B I E C T I O N E S I N  
C O N T R A.

Christus iuramentum prohibet, Mat  
thæi 5. cùm inquit: Ego autem di  
co uobis, ne iuretis omnino.

Respondeo per distinctionem: Christus impro  
bat iuramenta, quæ dantur sine uocatione, et sine  
mandato Magistratus. Non prohibet iuramento  
uti, quod aut deservit Magistratus, aut quo uti coget in  
cario aut gloria Dei.

C O N T R A.

Matth. 5. Christus inquit: Sermo uester sit ita,  
& non.

Ergo iurare non licet, nec opus est al  
lia confirmatione.

R E S P O N S I O.

Loquitur Christus de priuatis contractibus, et  
familiaribus colloquijs, ubi nõ cogit ad iusiurandum.  
uocatio, gloria Dei non exigit, nec Magistratus iu  
ramentum deservit subditis.

Abusio nominis Dei est prohibita.

Iurantes abutuntur nomine Dei:

Ergo iurantes peccant.

R E S P O N S I O.

Nego minorem. Nam iurantes mandato Magi  
stratus, aut exigente uocatione et gloria Dei, non  
abutuntur nomine Dei, sed præstant obedientiam  
Magistratui, et officium dilectionis proximo, in di  
rimendis

SECUNDVM PRAECEPT. 15

*vinendis controuersijs. Iuxta illud ad Heb. 6. Omnis controuersiae finis est iusiurandum.*

QVAESTIO, AN PUNIRE

*liceat periuria.*

Debentne magistratus punire periuria?

Respon. Etiam. Quod hoc Syllogismo probatur:

*Magistratus debet tueri omnia uincula societatis & iudiciorum.*

*Iuramentum est praecipuum uinculum politici status:*

*Ergo eius autoritas maxime defendi debet per Magistratus.*

C O N T R A.

*Magistratus politicus est custos tantum secundae tabulae.*

*Periurium est peccatum contra priorem tabulam:*

*Ergo Magistratus non debet punire periuria.*

R E S P O N S I O.

*Nego Maiorem: Quia magistratus est custos totius legis, quod ad externam disciplinam attinet. Ideo punire debet delicta externa aduersus omnia praeccepta, & contumelias externas diuini nominis, Iuxta hoc Leuitici 24. Qui blasphemauerit nomen Domini, morte moriatur.*

Q V A E

O B I E C T I O N E S I N  
Q V A E I V R A M E N T A

*seruanda sint.*

Iuramenta sunt seruanda.

Mat. 14. Herodes iurauit se interfectorum Ba-  
Marc. 6. ptistam.

Ergo rectè fecit.

Respondeo ad maiorem, per distinctionem: Iu-  
ramenta licita sunt seruanda, hoc est, in quibus pro-  
mittitur quod peccatum non est, aut sine peccato  
prestari potest, non illicita, quale iuramentum fuit  
Herodis promittentis se facturum iniustam eadem.

D E V O T I S M O N A C H O -  
rum.

Vota sunt seruanda.

Monachi uouerunt paupertatem:

Ergo hoc uotum seruare debent.

Respondeo ad maiorem, per distinctionem: Vo-  
ta seruanda sunt, quæ fiunt iuxta uerbum Dei, et  
eius gloriam non ledunt, sicut uota monastica,  
quæ fingunt ceremonias esse cultus Dei, quæ  
mereantur remissionem peccatorum:  
quia hæc gloria tamùm debetur  
meritis Christi, non tra-  
ditionibus humanis.

TER-

TERTIVM PRAECEPT. 16  
TERTIVM PRAECE-  
PTVM.

Memento ut diem Sabbati fan-  
ctifices.



OBIECTIO, DE SABBATO.

Decalogus est immutabilis, quia est  
lex naturæ.

Mandatum de sabbato est præceptū  
Decalogi:

Ergo mandatum de sabbato est im-  
mutabile; & per consequens, non  
rectè

## O B I E C T I O N E S I N

rectè dies sabbati muratus est ab Ecclesia, & uiolant sabbatum qui in eo operantur.

Respondeo ad maiorem: Decalogus est immutabilis, quatenus est lex naturæ: sed præceptum de sabbato duas partes continet: unam naturalem, seu moralem, seu genus, uidelicet conseruationem ministerij, & ceremoniarum, quæ diuinitus sunt instituta, hoc genus est perpetuum, & abrogari non potest. Altera pars est ceremonia propria populo Israël, seu species de septimo die. Hæc pars, sicut reliquæ ceremoniæ Leuiticæ, abrogata est.

2.

Abrogata est lex de sabbato:

Ergo non peccant, qui in die sabbati seu Dominico operantur.

Respondeo per distinctionem: Non peccant, si opus non impedit sanctificationem sabbati, quæ præcipua est mandata, hoc est, ministerium Dei, & ceremonias institutas diuinitus: sed peccant, qui hæc contumaciter negligunt, & tempus publici ministerij, & ceremoniarum in alias res quascunq; conferunt.

3.

Sabbatum est abrogatum.

Ergo licet etiam abolere alios dies festos omnes institutos ab Ecclesia.

## R E S P O N S I O.

Nego consequentiam. Nam sicut Sabbatum abrogatum

# TERTIVM PRAECEPT. 17

rogatum est, quantum ad speciem, hoc est, diem septimum, non quantum ad genus, hoc est, conservatio nem ministerij, & ceremoniarum: Sic etiam interdum licet omittere festos dies, propter publicas causas, aut etiam prorsus abolere, cum accedit cultus persuasio. Sed dies destinati ad hoc, ut populus certo tempore doceri possit, servandi sunt, propter bonum ordinem, quē Paulus vult retineri in Ecclesia. i. Cor. 14

Vulgus abutitur libertate de sabbato, 4.

ocio & crapulae indulgens:

Ergo libertas haec non est proponenda populo.

## R E S P O N S I O.

Nego consequentiam: Quia est fallacia secundum non causam ut causam. Quia abusus rei non est causa idonea, cur vera & salutaris doctrina conscientijs de libertate Christiana, quam ubique scriptura tradit, omittatur in Ecclesia, sed reprehendendi sunt abusus, et puniendi contumaces à Magistratu, & interim tamen necessaria doctrina tradenda est Ecclesiae.

Ocium sabbati seuerè præceptū erat 3.

Iudæis:

Exod. 16.

Ergo peccarunt Maccabæi pugna- 1. Mac. 2.  
tes in sabbato: & Apostoli uellen- Mar. 12.  
tes eodem die spicas. Marc. 2.

## R E S P O N S I O.

Luce 6.

## OBIECTIONES IN

Nego consequentiam: Quia opera dilectionis  
preferenda sunt ceremonijs, iuxta illud: Misericordiam uolo, non sacrificium. Licet igitur omittere publica ministeria, & ceremonias, cum id necessitas & dilectio proximi requirit, modò alijs diebus ministerium publicè conseruetur.

## DE POSTERIORE TABULA Decalogi.

### QUARTVM PRAECEPTVM.

Honora patrem & matrem tuā,  
ut sis longeuus super terram.



OBIE-



#### QVARTVM PRÆCEPT. 4

OBIECTIO, DE OBEDIEN-  
tia erga parentes & Magistratus.

Obediendum est parentibus ac Magi-  
stratui:

Ergo mandantibus, ut deferamus ue-  
ram doctrinam Euāgelij, & ueros  
cultus Ecclesiæ, obtemperandum  
est.

#### R E S P O N S I O.

Nego consequentiam: Quia antecedens non est  
universale. Ideo plus est in consequente, quàm ante-  
cedente. Quia antecedens loquitur de obedientia,  
que non est contra Deum, Ideo cum parentes aut  
Magistratus impia iubent, Deo magis est obediens  
dñs, quàm hominibus, Actorum 5. Et rectè dictum est  
à Pericle Atheniense: Δὲ μὲν συμπράττει τῶν  
φίλοις ἀλλὰ μέχρι θεῶν.

AN OBEDIENDVM IM-  
pio Magistratui.

Multi sunt Magistratus impij, ac Ty-  
ranni:

Ergo imperia sunt mala, & non est  
obediendum improbis.

#### R E S P O N S I O.

Nego consequentiam: Quia est fallacia acciden-  
tis. Nam vitium personæ malè rei bonæ, seu ordi-  
nationis diuinæ imputatur, Ideo non magis sequitur

## O B I E C T I O N E S I N

*hæc consequentia, quàm si quis ita argumentetur:  
Vino inebriantur homines, Ergo unum est malum.*

**Q V A E S T I O, A N O F F I C I A**  
*ciuilia sint cultus Dei.*

Suntne cultus Dei, honos, obedi-  
tia erga Magistratus, ἐπιτεύξεις, seu acqui-  
tas in condonandis erratis gubernato-  
rum, dilectio, & cætera opera ciuilia?

*Sunt.*

## C O N T R A.

Cultus Dei dicendi sunt, quibus pro-  
priè Deo seruimus:

Officijs ciuilibus non propriè Deo  
seruimus, sed nostræ utilitati, ac ne-  
cessitati:

Ergo opera ciuilia non sunt cultus  
Dei.

## R E S P O N S I O.

Nego Maiorem: Quia est mala seu imperfecta  
definitio cultuum Dei. Quia etiam cultus Dei sunt  
*Mat. 22.* opera secundæ tabule, propter mandatum Dei, qui  
hæc opera non minus exigit, quàm cultus prioris ta-  
bule. Sicut inquit Christus de altera tabula: Secun-  
dum autem simile est huius: Diliges proximum tuum  
sicut teipsum. Sunt igitur cultus Dei etiam opera se-  
cundæ tabule, cum fiunt ut præstetur obediencia  
Deo in conseruanda humana societate, in qua tra-  
ditur

QVINTVM PRAECEPT. 19

datur et audiatur doctrina de cognitione Dei. Nā  
hic omnium officiorum civilium, defensionis ac pa-  
cis ultimus finis esse debet.

QVINTVM PRAECE-  
PTVM.

Non occides.



DE HOMICIDIIS,  
*que prohibita.*

Homicidia sunt prohibita, quia in-  
quit lex: Non occides.

Ergo Magistratus puniens facinoro-  
sos, peccat.

**OBJECTIONES IN  
RESPONSIO.**

Nego consequentiam : Quia antecedens tantum loquitur de priuata eade, non de publica, seu legitima, quæ sit autoritate Magistratus ac legum. Nam hæc ordinatio est diuina, ut puniantur malefices, et perturbatores humanæ societatis. Vt docet Paulus Roma. 13.

Matthæi 26. inquit Christus : Qui gladium acceperit, gladio peribit.  
Magistratus accipit gladium :  
Ergo gladio peribit.

**RESPONSIO.**

Nego Minorem : Quia accipere gladium est non datum à legibus stringere, uel priuato affectu occidere hominem, non mandato Dei. Vt Magistratus, qui est diuina ordinatio ad defensionem bonorum, et poenam contumacium, Roma. 13. igitur non accipit gladium Magistratus, sed dato à Deo et legibus iuratur legitimè.

**DE VINDICTA.**

Vindicta est prohibita. Sicut inquit Deus : Mihi uindicta, & ego retribuam. Et Paulus : Non ulciscentes uosmetipsos.

Ergo peccat Magistratus ulciscens seu puniens latrones, adulteros, grassa-

**QVINTVM PRAECEPT. 20**

graffatores, & ceteros facinorosos.

**R S P O N S I O.**

Nego consequentiam: Quia maior loquitur de vindicta inordinata, seu priuata, quae fit sine auctoritate Magistratus seu legum, priuato affectu, seu cupiditate ulciscendi aduersarium. Vindicta autem publica seu legitima, quam Magistratus exercet, non est prohibita, sed mandata à Deo, ut tranquillitas in humana societate conseruetur.

**AN OMNIS IRA PROHIBITA.**

Christus Matth. 5. interpretans quintum praeceptum, etiam iram prohibet.

Ergo peccat Dauid, cum inquit: *Perfecto odio oderam eos.* Psal. 139.

**R S P O N S I O.**

Nego consequentiam, quae non ualet à particula *ri* ad uniuersale. Nam Christus loquitur de priuata ira, non de ira uocationis, seu de zelo, hoc est, motu peculiari in sanctis & heroicis uiris, quo inflammantur studio defendendae iustitiae, aut propter gloriam Dei, aut ira aduersus impietatem & turpitudinem. Qualis ira seu zelus in Dauid fuit.

OBIECTIONES IN  
SEXTVM PRAECE-  
PTVM.

Non mœchaberis.



QVAESTIO DE CONIVGIO.

Estne coniugium genus uitæ placens  
Deo, & liberum cuiilibet Christiano ad  
illud idoneo? Respon.

Quid ni. Nam cum Deus adulteria prohibet,  
hoc est, omnes uagos & aberrantes concubitus, ap-  
probat è contrario cõiugia, & consuetudinem con-  
iugalem, institutam diuinitus causa procreande  
sobolis,

*solis, & uitandae scortationis.*

C O N T R A .

Qui in carne sunt, inquit Paulus, Deo Roma. 8  
placere non possunt.

Coniuges sunt, seu uiuunt in carne:

Ergo Deo placere non possunt.

R E S P O N S I O .

Nego consequentiam : Quia est fallacia equi-  
uocationis. Nam uiuere, seu esse in carne, non signi-  
ficat Paulo, esse coniugem, seu uti coniugali consue-  
tutine, quae est diuina ordinatio. Sicut inquit Pau-  
lus : Saluatur mulier per generationem liberorum.  
Et Paphnutius rectè dixit, Castitatem esse consuetu-  
dinem coniugalem. Sed in carne esse seu uiuere, est  
indulgere carnalibus concupiscentijs, seu sequi hu-  
manam rationem, contra uerbum Dei, & indulgere  
peccatis, contra testimonium conscientiae.

Lex tantùm prohibet adulteria con-  
iugum.

Ergo non prohibet ceteras libidines.

R E S P O N S I O .

Nego consequentiam : Quia uerbum moecha-  
ri complectitur omnes illicitas & aberrantes libi-  
dines, & concubitus extra matrimonium. Ideo Pau-  
lus ubiq; ferè coniungit fornicationem, adulteria, et  
omnem immunditiam, Vt 1. ad Corinth. 6. Fornica-

## OBIECTIONES IN

tores & adulteri non erunt haeredes regni Dei. Et  
Ephe. 5 Omnis fornicatio & immundities ne nomi-  
netur quidem inter uos. Et ad Heb. 13. Fornicatores  
& adulteros iudicabit Deus.

## SEPTIMUM PRAECE- PTVM.

Non furtum facies.



DE FVRTIS, ET EORVM  
pœnis, obiectiones.

Exod. 11.

Furta sunt prohibita.

Israélite



SEPTIMUM PRAECEPT. 30

Israëlitæ aurum auferentes ab Aegyptiis, commiserunt furtum.

Ergo peccarunt.

RESPONSIO.

Nego minorem: Quis Israëlitæ non commiserunt furtum, sed obtemperarunt Deo, qui nouo & peculiari mandato iusserat spoliari Aegyptios. Detrahit autem mandatum spirituale generali, & mandatum nouum ueteri.

Pœnæ æquales esse debent delictis.

Furta sunt bonorum corporalium ab alienatio:

Ergo furta capite plecti non debent, sed restitutione ablatorum bonorum.

Respondeo ad maiorem, per distinctionem: Aequales esse debent pœnæ delictis, si delicta non sunt crebra. Sed cum scelera crescunt, ut furta & rapinae sunt crebrae apud Germanos, etiam pœnæ exacerbandæ sunt, ut exempla alios deterreant.

QVAESTIO, AN LICEAT  
tenere proprium.

Licetne proprium tenere Christianis, & esse diuites? Respon.

Etiam. Quia cum lex prohibet furta, concedit distinctionem ac proprietatem bonorum. Et Paulus

## O B I E C T I O N E S I N

1. Tim. 6. ait: *Præcipe diuitibus ne superbiant, sed sint diuites  
benefaciendo. Cōcedit igitur diuitias, & regula cre-  
ta est: Euangelium non abolet politicas ordinatio-  
nes.*

### C O N T R A.

Primitiua Ecclesia omnia habuit cō-  
munia. Acto. 4.

Ergo & nunc omnia in cōmune con-  
ferri debent.

### R E S P O N S I O.

Nego consequentiam: Quia est dissimilitudo,  
Nam in primitiua Ecclesia opus fuit collatione bo-  
norum, ad alendos pauperes, & ad tempus hæc con-  
suetudo tantum durauit. Et Petrus in Actis cap. 3.  
Liberum inquit, Ananie fuisse retinere agrum suū.  
Ergo communio bonorum non præcipitur, nec con-  
sulitur in Euangelio, sed liberalis tantum collatio  
facultatum ad iuuandum Ecclesiam & pauperes.

### A L I V D, A N L I C E A T

*esse diuitem.*

Diuitiæ impediunt pietatem. Vnde  
Christus eas spinas uocat, Lucæ 8.  
Et alibi inquit, difficile esse diuites  
saluari.

Ergo diuitiæ malæ sunt, & abijciendæ.

### R E S P O N S I O.

Nego

Mat. 19.

## OCTAVVM PRAECEPT. 23

Nego consequentiam : Quia est fallacia acciden-  
tis. Nam diuitiae per se bonae sunt creaturae Dei, uti-  
les ad hanc uitam, ut cibus & potus. Sed abusus ma-  
lus est, qui proficiscitur à uoluntate hominis abuten-  
tis opibus ad luxum, & inutiles profusiones.

## OCTAVVM PRAECE- PTVM.

Non loqueris aduersus proxi-  
mum tuum falsum testimo-  
nium.



OBIE

## OBJECTIONES IN

OBJECTIO, DE IUDICIIS:  
Christus inquit, Matthæi 6. Nolite iudicare, ne iudicemini.

Ergo peccant iudices, cōcionatores,  
& alij qui manifesta & publica uitia reprehendunt.

### RESPONSIO.

Nego consequentiam: Quia Christus tantum prohibet priuata maledicta, non prohibet officium iudicum, aut concionatorum, qui ideo alios reprehendunt & accusant, ut illi qui accusantur, emendentur, uel consulatur alijs.

### DE MENDATIO TRIPLICI.

Mendacium seu simulatio est peccatum contra octauum præceptum.

Gen. 28.

Abraham dissimulauit Saram esse cōiugem suam, & uocat eā sororem.

Ergo peccauit cōtra octauū præceptū.

Respondeo ad maiorem, per distinctionem. Nam sunt tria genera mendaciorum.

Primum genus est perniciosorum, quæ fiunt iniusta uoluntate nocendi. Hæc mendacia tantum prohibita sunt.

Exod. 2.

Secundum genus est officiosorum, cum propter bonestam & iustam causam aliquid occultatur, aut etiam figuratè aliud dicitur & ostenditur. Tale mendacium fuit Abrahæ, obstetrici Aegyptiarum, & Dauid.

## NONVM ET DEC. PRAECE. 24

Davidis simulans morbum, & quorundam aliorum sanctorum simulatio. 1. Reg. 21

Tertium est iocosorum, ut sunt poemata, Apologus, & falsæ dicta: hæc duo genera mendaciorum non sunt prohibita, sed ea tantum, quæ dicuntur uel uoluntate nocendi, uel ex uanitate ingenij.

## NONVM ET DECIMVM

### PRAECEPTVM.

Non concupisces domum proximi tui, Nec desiderabis uxorem eius: non seruū, non ancillam, nō bouem, non asinum, nec omnia quæ illius sunt.



O B I E C T I O N E S I N  
D E C O N C U P I S C E N T I A.

1. Propter ea quæ natura adfunt, neque laudamur, neque uituperamur. Concupiscentia natura omnibus adest.

Ergo concupiscentia res est media, propter quam nec laudamur, nec uituperamur: & per consequens, concupiscentia non est peccatum, hoc est, res digna æterna morte, nisi accedat consensus.

R E S P O N S I O.

Nego antecedens, quod uerum non est. Quia tota natura est corrupta propter lapsum Ade, quæ integra quidem condita fuit à Deo, sed accessit iam ingens corruptio omnium uirium naturalium, uidelicet ignoratio Dei, dubitatio de prouidentia Dei, contemptus iudicij Dei, & multe aliæ prauæ inclinationes, quæ sua natura peccatum sunt, hoc est, res digna æterna morte, sed condonantur credentibus propter Christum. Sicut inquit Paulus ad Romanos 7. Sensus carnis inimicitia est aduersus Deum, lege enim Dei nec subijcitur, nec subijci potest. Et ad Romanos 8. Nulla nunc est condemnatio ijs, qui insunt Christo Iesu.

3. Peccatum aut est dictum aut factum contra legem Dei.

Con-

Concupiscentia non est dictum aut factum, sed inclinatio hærens in natura.

Ergo concupiscentia non est peccatum.

R E S P O N S I O.

Nego Maiorem. Quia est mala definitio peccati, aut insufficiens enumeratio partium. Nam peccatum non tantum significat factum aut dictum, contra legem Dei, sed significat perpetuum uitium, hoc est, corruptionem naturæ pugnantem cum lege, et facta pugnantia cum lege Dei, quæ fructus sunt peccati originis.

Peccatum non est peccatum, nisi sit uoluntarium.

Concupiscentia non est uoluntaria, nisi consensus accedat, quia hæret in natura humana propter alienum peccatum, scilicet Adæ.

Ergo concupiscentia non est peccatum, sed tantum poena peccati, & imputatio seu reatus, ut Scholastici doctores loquuntur.

Respondco ad maiorem, per distinctionem: Peccatum non est peccatum, nisi sit uoluntarium, in civilibus actionibus. Sed concupiscentia etiam est peccatum, hoc est, res rea, et damnata à Deo: quia est

## O B I E C T I O N E S I N

*morbus seu corruptio totius naturæ, & auersio à Deo, quæ displicet Deo: quia causa est, cur legi non perfectè satisfacimus. Condonatur tamen hæc corruptio propter Christum mediatorem, etiam in infinitis, cum per Baptismum aut preces Ecclesiæ offeruntur Deo.*

## O B I E C T I O I N S V M M A M

*Decalog.*

### D E D I L E C T I O N E .

Quicquid implet legem iustificat, seu acceptos nos reddit Deo.

**ROM. 13;**

Dilectio implet legem. Inquit enim Paulus: Dilectio legis est impletio. Ergo dilectione sumus iusti, hoc est, accepti Deo.

### R E S P O N S I O ,

Nego consequentiam: Quia est ambiguitas, seu sunt quatuor termini in Syllogismo. Nam minor & dictum Pauli loquuntur de idea seu de perfecta dilectione, quæ implet legem, seu est impletio legis: sed hinc malè colligitur, homines diligere perfectè Deum, seu implere legem. Quia nemo satisfacit legi, propter corruptionem naturæ. Vnde inquit Paulus, Galat. 3. Si lex data esset, quæ posset uiuificare, uerè ex lege esset iustitia. Sed conclusit scriptura omnia sub peccato, ut promissio ex fide Iesu Christi daretur credentibus,

**Proba**



X. P R A E C E P T.

28

Proba ex dicto Moysi & Christi, de  
*perfecta dilectione, hominem non esse  
iustum lege.*

Lex requirit perfectam obedientiam  
seu dilectionem.

Nemo praeſtat perfectam obedientiam,  
seu perfecte diligit Deum, &  
proximum sicut seipsum.

Ergo nemo iustus est lege, sed fide,  
qua apprehendimus Christum me-  
diatorem.

C O N T R A.

Christus inquit de lege: Hoc fac, & ui- *Mat. 19*  
ues:

Ergo uita est ex lege.

R E S P O N S I O.

Nego consequentiam: Quia dictum Christi est  
conditionale, si hoc feceris, uiues. Sed nemo in hac  
corruptione naturae perfecte implet legem. Ergo  
opus est gratuita condonatione propter mediato-  
rem, quae fide accipienda est.

In locum Deuteronomij 5. de prae-  
mijs & poenis praeceptorum Decalogi.

Deus promittit praemia seruantibus  
legem, & comminatur poenas ino-  
bedientibus,

## O B I E C T I O N E S I N

**Ergo bona opera merentur uitam æternam, & peccata æternam damnationem.**

### R E S P O N S I O.

**Nego primum consequentiam :** Quia plus est in cōsequente, quàm in antecedente. Antecedens enim loquitur non de uita æterna, sed de alijs præmijs corporalibus et spiritualibus, quibus ornatur à Deo in hac uita inchoata obedientia erga legem. Deinde respondeo ad antecedens, per distinctionem : Deus promittit præmia corporalia & æterna ex gratia, inchoantibus nouam obedientiam, sed quia hæc est imperfecta, non est digna uita æterna, quæ, ut inquit Paulus, est donum Dei. Et Augustinus inquit: Deus cùm reddit præmia nobis, non nostra merita, sed sua dona in nobis coronat.

### O B I E C T I O, D E P R A E M I I S.

**Nemo perfectè diligit Deum, aut præcepta eius seruat :**

**Ergo nemo consequitur hanc promissionem Dei de præmijs.**

### R E S P O N S I O.

**Nego consequentiam :** Quia Deus reputat inchoatam obedientiam seu impletionem legis pro iustitia, & placet in iustificatis fide hæc obedientia propter Christum,

AN FILIVS PORTET INI-

*quitatem patris.*

Inquit Ezechiel cap. 18 Non portabit  
 filius iniquitatem patris sui. Item,  
 Anima quæ peccat ipsa morietur.  
 Ergo hæc comminatio de puniendis  
 filijs propter iniquitatem patrum,  
 est contraria Ezechielis dicto.

R E S P O N S I O.

Nego consequentiam : Quia non est pugnantia.  
 Nam Ezechiel loquitur de filijs qui non imitantur  
 parentum seu maiorum peccata, hoc est, idolatriã  
 & impietatem : Comminatio hæc loquitur de ijs fi-  
 lijs, qui imitatores sunt maiorum in peccatis. Nam  
 bitam puniuntur, quàm ipsi maiores, seu patres pu-  
 niti sunt propter propria peccata.

C O N T R A.

Si filius non portat peccatum patris:  
 Ergo posteritas Adæ non est rea pro-  
 pter ipsius lapsum.

R E S P O N S I O.

Nego consequentiam : Quia est dissimilitudo in  
 exemplo. Quia ab Adam propagatur corrupta na-  
 tura in omnes, qualis natura ipsius Adam fuit post *Roma. 5.*  
 lapsum. Ideo omnes rei sunt propter innatum ma-  
 lum. Sed Ezechiel loquitur de peccatis actualibus,  
 seu cuiusq; proprijs, quæ ipsis autoribus imputan-  
 tur,

OBIECTIONES IN  
**SYMBOLVM APO-**  
 STOLICVM, DE FIDE IUSTI-  
 ficante.



QVAESTIO, SIT NE FI-  
 des fiducia.  
 Estne fides iustificans coram Deo, no-  
 titia

Fi-  
 titia  
 tatis,  
 gratia

F

F

F

Pau-  
 mus  
 titia  
 flos,  
 flos,  
 ria  
 qua  
 med  
 flos.  
 stific  
 id es  
 etia

SYMBOLVM APOST. 28

titia historiæ, an uera fiducia misericordiæ promissæ à Deo propter Christum mediatorem.

R E S P O N S I O.

Fides iustificans coram Deo, non tantum est notitia historiæ, sed est certa fiducia seu motus uoluntatis, statuens nos esse iustos, hoc est, acceptos Deo gratis propter Christum, iuxta datā promissionem.

C O N T R A.

Fides Christiana est articulorum seu historiæ de Deo & Christo, eiusq; meritis breuis collectio, quā Symbolum apostolicum uocamus.

Ergo fides non est fiducia, sed notitia historiæ.

Respondeo ad antecedens, per distinctionem: Paulus & tota scriptura cum agunt de fide, qua sumus iusti, hoc est, accepti Deo, non loquuntur de notitia historiæ, sed de ea fide, quæ acquiescit in Christo, statuens nos propter hunc mediatorem esse iustos, hoc est, Deo acceptos. Et si enim notitia historiæ requiratur, non tamen hac notitia sumus iusti, quam etiam demones habent, sed hac fide intuen- te mediatorem, & statuente nos propter ipsum esse iustos. Sicut inquit Paulus: Arbitramur hominem iustificari fide, absq; operibus legis, hoc est, esse iustum, id est, acceptū Deo, cum fide intuetur mediatorem, etiam si legi non satisficiat. ROMA. 3.

O B I E C T I O N E S I N  
Proba fidem in hoc dicto Pauli, &  
*similibus, significare non notitiam hi-*  
*storiæ, sed fiduciam promissæ*  
*misericiordiæ.*

A P R O P R I O O F F I C I O F I D E I,

1. Promissioni de gratia Dei, seu remis-  
sione peccatorum, est assentiendū,  
iuxta illud Ioannis 1. Qui non cre-  
dit Deo, mendacem eum facit.

Fides apprehendit promissionem  
gratiæ: Est enim correlatiuum pro-  
missionis. Iuxta illud ad Roma. 4.  
Ideo ex fide datur hæreditas, ut cer-  
ta sit promissio.

Ergo fides significat assensum seu fi-  
duciam amplectentem promissio-  
nem.

A B E F F E C T V D I V E R S O N O-  
*titia historiæ, et fidei.*

3. Notitia historiæ affert pauores, & au-  
get desperationem diabolis, de qui-  
bus inquit Iacobus: Dæmones cre-  
dunt, & contremiscunt. Sed fides  
adfert pacem & consolationem,  
Iaco. 1. Iustificati fide pacem habemus.

Ergo fides iustificans non est tantum  
notitia

notitia historiæ, sed fiducia, qua statuimus certò nobis ignosci gratis propter Christum, quanquam male meritis & indignis.

AB EFFECTV FIDEI IN TER-  
roribus peccati & mortis.

Iustus ex fide sua uiuet. *Abacuc. 2.*

Ergo fides est fiducia, quæ statuit Deum nobis esse propitium, & acquiescit in promissa misericordia: non est tantum notitia historiæ, quæ augeat cruciatus & desperationem, cum ex morte filij Dei agnoscimus magnitudinem peccati.

IN INVOCATIONE.

Fiducia est accedendum ad Deum. *Hebræ. 4.* Habentes talem pontificem, 4. accedamus cum fiducia ad thronum gratiæ.

Per fidem accedimus ad Deum. *Ephes.*

4. Per quem audemus accedere confidenter per fidem eius *Roma. 5.* Per quem habemus accessum fide.

Ergo fides significat fiduciam, non notitiam historiæ, quæ sine Christo duce & propitiatore deterret nos à Deo.

**O B I E C T I O N E S I N  
I N S A N C T I F I C A T I O N E .**

**Fides purificat corda. Actorum 15.**

**Ergo fides est fiducia statuens nos per  
gratiam Domini nostri Iesu Chri-  
sti purgari à peccatis, & saluari.**

**A B A V T O R I T A T E S E V  
promunciatis.**

**Christus requirit & prædicat fidu-  
ciam suæ misericordiæ, cùm in-  
quit: O mulier, magna est fides tua.  
Item, fides tua te saluam fecit. Item,  
Confide fili, remittuntur tibi pec-  
cata. & similibus dictis.**

**Ergo fides non significat tantum no-  
titiam historiæ, sed fiduciam mise-  
ricordiæ promissæ à Deo propter  
Christum mediatorem.**

**O B I E C T I O D E D V B I T A-  
tione.**

**Dubitandum est de remissione pecca-  
torum, seu de gratia Dei. Quia in-  
quit Ecclesiastes: Nescit homo u-  
trū sit dignus amore Dei, an odio.  
Ergo fides non significat fiduciam.**

**R E S P O N S I O .**

**Nego antecedens: Quia dubitatio est peccatū.  
Sicut inquit Ioan. Qui non credit, Deum menda-**



oem facit. Et ideo edita est promissio de gratuita remissione peccatorum, ut ei assensimur. Sicut inquit Paulus: Ideo ex fide, ut firma sit promissio, & mandatum Dei est æternum & immutabile, ut credamus in filium Dei. Et peccatum est incredulitas, quod spiritus sanctus arguit & damnat, Ioan. 16. Loquitur autem Ecclesiastes non de uoluntate Dei erga nos reuelata in uerbo, quæ cognita & certa nobis esse debet, sed de iudicio humano, an successus seu eventus negotiorum sint futuri felices.

QVAESTIO, AN SOLA  
fides iustificet.

Iustificatne sola fides in Christum,  
quæ fiducia est promissæ misericordiæ?  
Etiam, coram Deo.

Quibus id argumentis probatur?

1. Ab autoritate scripture, Roma. 3. Omnes peccauerunt, & carent gloria Dei. Iustificamur autem gratis ipsius gratia, per redemptionem in Christo Iesu, quem proposuit Deus propitiatorum per fidem in sanguine eius.
2. Ab exemplo Abraha, Roma. 4. Credidit Abraham Deo, & reputatum est ei ad iustitiam.
3. A definitione iustitiæ. Remissio peccatorum est imputatio iustitiæ, quæ accipienda est fide. Psal. 32. Beati, quorum remissa sunt iniquitates, & tecta peccata.

## O B I E C T I O N E S I N

peccata. Beatus uir, cui Dominus non imputauit peccatum.

4. A causa promissionis. Promissio debet esse certa, Roma. 4. Idco ex fide, ut certa sit promissio. Ergo reconciliatio non pendet ex conditione legis, tanquam causa, sed ex fide. Nam si reconciliatio penderet ex conditione legis, incerta esset promissio, quia legi non satisfacimus.

5. Ab effectu fidei. Fides reddit pacatas conscientias, Roma. 5. Iustificati fide pacem habemus: & purificat corda, Actor. 5. Ergo ex fide est iustificatio, non ex operibus, quae conscientias non pacant, quia imperfecta est obediencia. Item, fides adfert uitam seu consolationem. Abacuc. 2. Iustus ex fide sua uiuet. Ergo fides iustificat, non lex, seu opera.

6. A discrimine promissionum legis & Euangelij. Oportet promissionem de reconciliatione esse certam.

Promissiones legis sunt incertae, quia pendunt ex conditione implende legis, cui nemo satisfacit.

Ergo remissio peccatorum non est ex lege, sed ex fide, quae statuit gratis remitti peccata propter mediatorem Christum.

## P R A E C I P V A E T V S I T A T I O R A

Argumenta, quae contra doctrinam de iustitia fidei opponi solent ab aduersarijs.

Iacobus

**Iacobus inquit:** Videris igitur, quòd homo nō tantum iustificatur fide, sed etiam operibus.

**Ergo non sola fides iustificat,** sed etiā opera, seu, ut Scholastici loquuntur, fides firmata, hoc est, & opera seu uirtutes nostræ.

## RESPONSIO.

**Nego consequentiam:** Quia Iacobus loquitur de fide, quæ est notitia historię, Paulus uerò de fide quæ fiducia est misericordiæ Dei promissæ propter Christum. Ideo autem tribuitur fidei iustificatio, ut Christo tribuatur suus honor. Deinde, ut certa sit remissio peccatorum, de qua semper dubitandum esset, si penderet ex conditione nostrarum qualitatū seu uirtutum, quæ legi non satisfaciunt.

Notitia non iustificat.

Fides est notitia:

Ergo fides non iustificat.

## RESPONSIO.

**Nego Minorem** Nam fides in disputatione Pauli de iustitia fidei, non significat tantum notitiam, sed fiduciam seu assensum amplectentem promissam misericordiam, sicut inquit Christus: Confide fili, remittuntur tibi peccata tua.

Dilectio implet legem.

**Ergo non fides, sed dilectio iustificat.**

## RESPON

## O B I E C T I O N E S I N

### R E S P O N S I O.

Nego consequentiam: Quis antecedens loquitur de Idea, siue perfecta dilectione, qualem lex præcipit, sed dilectio quam etiam sancti præstant, est imperfecta. Ergo dilectio non iustificat, sed fides, quæ apprehendit gratuitam remissionem. Non ualeat autem consequentia ab Idea ad actum.

4. Fides est opus.

Fides iustificat:

Ergo opera iustificant.

### R E S P O N S I O.

Nego consequentiam: Quia à particulari ad uniuersale nihil sequitur: nec fides iustificat, quia est in nobis qualitas digna remissione peccatorum, & uita æterna, sed quia apprehendit alienam iustitiã, hoc est, Christi mediatoris, quæ est extra nos, sed si de nobis applicatur.

5. Deus iustificat.

Ergo non fides.

Respondco per distinctionem: Deus iustificat imputans seu communicans nobiscum iustitiam suã filij. Fides apprehendit hanc gratuitam Dei imputationem, seu oblatam iustitiam propter Christum.

Maxima uirtus iustificat.

6. Dilectio maxima uirtus, non fides. 1.

Corinth. 13.

Ergo dilectio iustificat, & non fides.

Respondco

Respondeo ad Minorem, per distinctionem: Dillectio est maxima uirtus coram hominibus, quia pluribus benefacit. Sed fides est precipua uirtus seu cultus, quia cum Deo agimus. Nam fides apprehendit promissam misericordiam Dei, & agnoscit Deum esse ueracem. Contrà incredulitas Deum mendacij arguit, quod summum est peccatum. Sicut inquit Ioannes: Qui non credit, Deum mendacem facit. 1. Ioan. 5.

Requiritur in iustificatione etiam regeneratio seu renouatio, seu poenitentia. 7.

Ergo non sola fides iustificat, nec gratuita est imputatio remissio peccatorum.

Respondeo per distinctionem: Requiritur regeneratio tanquam effectus, seu fructus sequentes iustificationem. Iustificationis autem causa est fides apprehendens tanquam organum gratis remissionem peccatorum propter Christum, ut certa sit promissio. Vt Paulus inquit, Roma. 4. Est igitur persona iusta, hoc est, accepta non propter regenerationem, seu uirtutes, quae sunt perfectae, sed propter Christum mediatorem, cuius merita fide tanquam organo quodam homo sibi applicat.

#### O B I E C T I O.

Fides sola iustificat.

Ergo non sunt facienda bona opera.

R E S P O N -

OBJECTIONES IN  
RESPONSIO.

Nego consequentiam : Quia fides sola iustificat, tanquam causa applicans nobis beneficium remissionis peccatorum gratuita. Non manet autem fides sola, sed ut bona arbor bonos fructus proferat, sicut inquit Paulus : Fides per charitatem est efficax, Gala. 5. Ideo autem tribuitur fidei iustificatio, quia accipit gratuitam imputationem iustitiæ, non quia est in nobis uirtus seu qualitas digna tanto beneficio, uidelicet uita æterna.

8. Iustitia est obedientia erga totam legem.

Fides non est obedientia erga totam legem.

Ergo fides non est iustitia, seu non iustificat.

RESPONSIO.

Nego consequentiam : Quia quatuor sunt in Syllogismo termini. Nam amphibologia est in nomine iustitia, quæ in maiore significat civilem obedientiam erga omnes leges, quam Aristoteles uniuersalem uocat : sed fides ideo dicitur esse iustitia, uel iustificare, quod apprehendit promissam misericordiam gratis, & summum honorem tribuit Deo, scilicet ueritatem & misericordiam. Et comitatur postea ipsam apprehensionem etiam inchoata obedientia erga omnes leges. Sed quia hæc obedientia non

non dum consummata est in nobis, ideo id certum sit  
beneficium filij Dei: fidei tribuitur iustificatio, non  
operibus, Roma. 4.

Beatitudo est uita æterna.

Christus beatos pronunciat mites, 91  
misericordes, pacificos &c. Mat-  
thæi 5.

Ergo hæc opera merentur uitam æter-  
nam.

#### R E S P O N S I O.

Nego consequentiam: Quia plus est in conclusi-  
one, quàm in præmissis. Nam beatitudo non signi-  
ficat hic uitam æternam, sed felicitatem, augmen-  
tum donorum, defensionem uitæ, & alia bona cor-  
poralia & spiritualia. Deinde est intelligenda Sy-  
necdoche in omnibus dictis, quæ loquuntur de bonis  
operibus, quæ fides comprehenditur. Iuxta illud: Si-  
ne fide impossibile est placere Deo. Tertiò, uita æter-  
na uocatur præmium seu merces, non quia opera  
sint digna uita æterna, sed quia uita æterna com-  
pensat obedientiam, sicut hereditas compensatio  
est officiorum filij, non meritum.

#### O B I E C T I O, C O N T R A

secundam solutionem.

Si per Synecdochen intelligenda est fi-  
des in dictis de bonis operibus:

Ergo etiam in dictis de gratuita re-

## O B I E C T I O N E S I N

missione, quæ fit fide, intelligenda  
sunt bona opera: Et per consequens,  
non sola fides iustificat, sed etiam opera.

### R E S P O N S I O.

Nego consequentiam: Quia est dissimilitudo.  
Nam expressa est particula exclusiua gratis, in Pau-  
lo. Vt: Ideo gratis datur hereditas, ut firma sit pro-  
missio. Excluduntur autem bona opera à iustificatio-  
ne tanquam causa, non tanquam effectus. Quia se-  
qui in iustificatis nouam obedientiam necesse est.

### Q U I D G R A T I A.

Gratia sumus iusti.

Gratia sunt dilectio, & cæteræ uirtu-  
tes spiritus sancti infusæ cordi.

Ergo dilectione, & cæteris uirtutibus  
infusis sumus iusti.

### R E S P O N S I O.

Nego Minorem: Quia est mala definitio gra-  
tie, quæ in propositione, Gratia Dei iustificamur,  
significat acceptionem Dei, seu gratuitâ imputa-  
tionem iustitiæ propter mediatorem, quæ fide est  
accipienda gratis, ut sic certa, Ad Roma. 4.

### Q U I D I I S T I F I C A R E.

Iustificare est iustum reddere, hoc est,  
donare iustitia, quæ uniuersalis  
est obedientia erga totam legem.  
Fides



**SYMBOLVM APOST. 34**

**Fides non reddit ita iustū hominem,  
quia est fiducia promissæ miseri-  
cordiæ.**

**Ergo fides non iustificat.**

**R E S P O N S I O.**

**Nego Maiorem :** Quia iustificare in disputatio-  
ne Pauli, significat iustum reputare, seu pronunciar-  
e, Ut cum dicimus : Iudex iustificauit reum, id est,  
absoluit & iustum pronunciauit. Item, Publicanus  
descendit iustificatus de templo, id est, acceptus &  
reconciliatus Deo, remissis peccatis. Sunt igitur quā-  
tuor termini Syllogismi, quos parit ambiguitas. Sic  
iustificatio significat imputationem iustitiæ gratis  
tam propter Christum, hoc est, reconciliationem &  
acceptationem personæ ad uitam æternam.

**O B I E C T I O, D E I V S T I -  
tia Dei.**

**Iustitia est, punire delicta, non impu-  
rare iustitiam gratis.**

**Deus est iustus :**

**Ergo non tantum imputat iustitiam,  
sed etiam punit peccata, nō gratis  
remittit culpam & pœnam.**

**R E S P O N S I O.**

**Maior est uera de humanis iudicijs, sed Deua  
gratis remittit peccata fide propter filium, cuius  
mors est cōpensatio pro peccatis, Etsi igitur Deus**

## OBIECTIONES IN

odit & damnat peccatum, tamen intuens filium re-  
mittit gratis peccatum illis, qui uestimento filij Dei  
sunt induti.

### PRIMA PARS SYMBOLI, DE DEO, ET CREATIONE.

Credo in Deum patrem omnipo-  
tentem, Creatorē coeli & terræ.



### OBIECTIO.

Credendum est in unum Deum, crea-  
torem

torum cœli et terrę. Sicut dicit Deuter. 6. Audi Israël, Deus tuus Dominus unus est.

Christiani non credunt in unum Deum, quia credunt in Deum patrem, & Filium, & Spiritum sanctum.

Ergo Christiana fides seu religio nō est uera.

### R E S P O N S I O.

Nego Minorem: Quia Christiani credunt in unum uerum & æternum Deum, qui est Pater, Filius, & Spiritus sanctus. Nam ita se unus & æternus Deus patefecit in uerbo suo, uidelicet unum in essentia, trinum in personis, quæ unam eandemq; essentiam diuinam habent, seu (ut Synodus Nicena uocat) ὁμοῦσσι sunt. Distinguumur autem hoc modo personæ: Pater est persona gignens ab æterno λόγος, hoc est, uerbum seipsum intuens seu cogitans. Filius est persona genita à patre, qui λόγος seu uerbum patris dicitur, Ioan. 1. Character substantiæ patris, Hebræ. 1. Imago Dei patris, Coloss. 1. Hæc persona in plenitudine temporis, iuxta decretum Dei, humanam naturam assumpsit à uirgine Maria, ut uictima fieret pro humano genere. Spiritus sanctus est persona ab æterno procedens à patre & filio, quæ mittitur ab utroq; & patre & filio, in corda hominum, ut ea sanctificet & illustret uera

## O B I E C T I O N E S I N

*Joan. 14.  
25. 26.* notitia Dei, consoletur & gubernet. Vnde Christum  
eum Paracletum seu Aduocatū & consolatorem  
uocat. Et attribuitur cuilibet personæ proprium of-  
ficium, seu opus. Patri creatio, quæ tamen ceteris  
personis communis, Vt Ioan. 1. & Psal. 32. Filio tri-  
buitur redemptio, Spiritui sancto sanctificatio.

### O B I E C T I O D E F I D E I V- dæorum & Turcarum.

Iudæi & Turcæ credunt in unum De-  
um, creatorem cœli & terræ.

Ergo in uerum Deum credunt, & sal-  
uantur.

### R E S P O N S I O.

*Joan. 14.* Nego antecedens. Quia Deus extra Christum,  
quem Iudæi & Turcæ negant esse filium Dei, non  
uerè agnoscitur aut colitur. Sicut inquit Christus  
Nemo uenit ad patrem, nisi per me.

### C O N T R A.

#### ALIA, DE FIDE PIORVM Veteris testamenti.

Sancti ueteris Testamenti credide-  
runt in Deum conditorem rerum,  
sine Christo mediatore:

Ergo etiam fides Iudæorum & Tur-  
carum uera est.

### R E S P O N S I O.

Nego antecedens. Quia sancti Veteris testamen-  
ti

si crediderunt in eum Deum, qui ipsis Messiam promisit, quem agnouerunt esse filium Dei, habentem diuinam potentiam. Quia Diaboli regnum erat uastaturus, Gene. 3. Et in eo benedicenda erant omnes gentes, Genesis 22. Crediderunt igitur in uenturum Messiam, sicut nos in exhibitum credimus. Sicut inquit Christus: Abraham uidit diem meum, et gauisus est, Ioan. 8.

DE CREATIONE RERVM, ET  
perpetua earundem conseruatione ac sustentatione.

QVAESTIO, AN CONDITA  
omnia ex nihilo.

Creauit ne Deus omnia ex nihilo?

Respon. Etiam, per uerbum suum, seu λόγος hoc est, filium coeternum, Gene. 1. et Psalmo 33. Verbo Domini firmati sunt coeli. Ipse dixit, et facta sunt. Ipse mandauit, et creata sunt. Et Ioan. 1. Omnia per ipsum (λόγος) facta sunt, et sine ipso factum est nihil, quod factum est.

CONTRA.

Ex nihilo nihil fit.

Ergo ex nihilo non potuit condimundus.

RESPONSIO.

Antecedens loquitur de operibus humanis et

## O B I E C T I O N E S I N

*physicis, quæ materiam præexistentem requirunt, Sed Deus etiam ex nihilo, hoc est, nulla præexistente materia aliquid condere potest. Sicut inquit Paulus, Roma. 4. Deus uocat ea quæ non sunt, ut sint aliquid.*

Q V A E S T I O, D E G V B E R N A T I O N E & S U S T E N T A T I O N E R E R U M.

Adestne Deus adhuc creaturis, easq; conseruat & sustentat? *Respon.*

*Etiam. Quia inquit Paulus Actorum 17. In ipso (Deo) uiuimus, mouemur & sumus. Et ad Hebræos 1. Ferens omnia uerbo potentie sue. Et Col. 1. Omnia per eum consistunt.*

## C O N T R A.

Malis plerunq; bene est, & contrà bonis malè.

Ergo Deus non habet curam creaturarum, sed ab eis tanquam faber à naue extructa, discessit, relinquens creaturas propriæ gubernationi: aut omnia fiunt casu, aut Deus alligatus est causis, ut uocât, secundis.

## R E S P O N S I O.

Nego consequentiam: Quia multa testimonia scripturæ diuersum docent, & mens humana notitijs naturalibus conuincitur, esse Deum non solum conduorem rerum, sed etiam moderatorem & conseruatq;

seruatorem. Nec Deus alligatus causis secundis, quia est agens liberrimum, adiuuans, & impediens causas secundas pro sua uoluntate. Sicut dicit Psal. 99. Scitote quod Dominus ipse est Deus, ipse fecit nos, & non ipsi nos. Et Psalmo 126. Nisi Dominus edificauerit domum, frustra laborat qui edificat eam. Quod autem interdum bonis male, & malis bene est, id fit singulari Dei permissione & consilio, qui uult Ecclesiam in hac uita subiectam esse cruci, ut agnoscat iram Dei aduersus peccatum, crescat in ea fides, & accendatur inuocatio.

Inquit Moises Genesis 2. Requieuit Deus die septimo, hoc est, sabbato ab omni opere.

Ergo Deus, ut fingunt Epicurei, ociosus est, non gubernat ac sustentat creaturas.

#### R E S P O N S I O.

Nego consequentiam: Quia est fallacia à dicto secundum quid, ad dictum simpliciter. Nam Deus quieuit tantum ab opere conditionis, quia nullas alias species creauit, aut plures mundos, non quieuit ab opere conseruationis, quod perpetuum & quotidianum est. Quia Deus conseruat adhuc res conditas, & defendit Ecclesiam, iuxta illud dictum Christi: Pater meus usque modò operatur, & ego o-

## O B I E C T I O N E S I N

peror. Et Paulus inquit: In ipso (Deo) sumus, mouemur, & uiuimus. Cōseruatio nature uocatur actio Dei generalis, Ecclesiæ defensio actio specialis.

O B I E C T I O D E C A U S A P E C-  
cati, quæ non est Deus, sed uoluntas Diaboli  
& hominis, auertentium se liberè  
à Deo.

Deus creauit omnia.

Ergo etiam peccatum creauit, & eius  
est causa.

Respondeo ad antecedens, per distinctionem.

*Ioan. 1.* Creauit Deus omnia, quæ condita sunt, Sicut in-  
quit Ioannes: Per ipsum facta sunt omnia, quæ  
facta sunt. Peccatum autem non est conditum à  
Deo, sed est horribilis perturbatio ordinis diuini  
in natura, quam Deus maximè abominatur. Si-  
*Psalm. 5.* cut inquit Psalmus: Deus non uolens iniquitatem  
tu es. Loquitur igitur antecedens tantùm de re-  
bus bonis. Sicut Moys. Vidit Deus quòd omnia  
quæ creasset, ualde essent bona, hoc est, utilia homi-  
ni, & congruentia ad diuinam mentem seu uoluntatem.

S E C V N D A P A R S S Y M B O-  
LI, DE R E D E M P T I O N E.

Et in Iesum Christum, filium eius  
unicum.



unicum, Dominum nostrum.  
 Qui conceptus est de Spiritu  
 sancto, Natus ex Maria uirgi-  
 ne, passus sub Pontio Pilato,  
 crucifixus, mortuus et sepultus.  
 Descendit ad inferna, tertia die  
 resurrexit à mortuis. Ascendit  
 ad coelos, sedet ad dexterā Dei  
 patris omnipotentis. Inde uen-  
 turus est iudicare uiuos & mor-  
 tuos.



O B I E C T I O N E S I N  
DE CHRISTO SEV ΛΟΓΩ, SIT  
ne Deus & persona, Questio.

Estne Christus seu λόγος & Deus?

Est. Quia Ioannes expresse uocat Deum, ca. 1.  
In principio erat uerbum, Et uerbum erat apud De-  
um, & Deus erat uerbum. Vbi Græcus articulus ὁ,  
qui nunquam prædicato additur, testatur uerbum  
seu λόγος collocandum esse loco subiecti, hoc mo-  
do: ὁ λόγος ἦν θεός. Et uerbum seu λόγος  
erat Deus, hoc est, diuina essentia.

C O N T R A.

Vnus est tantum Deus, Exod. 6.

Ergo Christus seu λόγος non est deus.

R E S P O N S I O.

Nego consequentiam: Quia etsi una est diuina  
essentia, tamen tres sunt personæ diuinitatis coeter-  
ne, & ὁμοῦσιοι, hoc est, eiusdem essentiae, quemad-  
modum ipse Deus se in uerbo suo Ecclesie patefec-  
cit. Est igitur Christus seu λόγος uerus & eter-  
nus Deus cum patre, distincta à patre & spiritus san-  
cto persona, æquè omnipotens, intelligens, indiui-  
duus & incommunicabilis, non sustentata ab alia  
natura, quod etiam formula Baptismi testatur, in  
qua omnibus personis eadem potentia, & idem bo-  
nor tribuitur.

C O N T R A.

Verbum seu λόγος dicitur, quia cogi-  
tatione

tatione à patre gignitur.

Cogitatio est qualitas, seu motus transiens.

Ergo uerbum seu λόγος non est persona distincta à patre, sed uel ipse pater, uel cogitatio seu propositum patris constituentis saluare humanum genus per Christum excellentem doctorem, ut Samosatenus, Photinus, & Seruetus heretici furenter contenderunt.

#### R E S P O N S I O.

Nego consequentiam: Quia Ioannes disertè λόγος personam esse testatur, cum inquit, per λόγος seu filium Dei facta esse omnia, & uersatum esse in mundo, seu induisse humanam naturam. Idem testatur uerba Baptismi. Quia tribuunt filio Dei æqualem honorem & omnipotentiam cum patre & spiritu sancto. Et personam esse λόγος etiam significat Ioannes, cum ipsum apud Deum fuisse in principio testatur, inquit: Et uerbum erat apud Deū. Non igitur λόγος est ipse pater, sed distincta persona à patre, qui in plenitudine temporis humanam naturam assumpsit ex Virgine, ut hostia fieret pro peccatis nostris, Gala. 4.

AN OPVS FVERIT FILIVM DEI  
nasci hominem, & pati.

Fuit ne

## O B I E C T I O N E S I N

Fuit ne ad reparationem humani generis necesse filium Dei assumere humanam naturam, ac mori? *Respon.*

*Etiā. Primò propter ueritatem ac promissionem Dei. Secundò, ad placandam immensam iram Dei aduersus peccatū, quæ nulla alia hostia, quàm morte filij Dei placari potuit.*

## C O N T R A.

Deus est omnipotens:

Igitur potuit remittere culpam sine morte filij.

## R E S P O N S I O.

Nego consequentiam: Quia est fallacia insufficientis causæ. Nam utriq; satis fieri debuit, iustitiæ Dei, quæ exigebat compensationem seu λύτρον, & misericordiæ, quæ deprecata est & intercessit pro humano genere. Ideo factum est hoc admirandum decretum Dei de liberatione per filium, qui factus est uictima placans iram Dei aduersus peccatum.

## A L I V D.

Genus humanum semper amicum fuit Deo. Inquit enim Deus apud Ieremiam cap. 31. Perpetua charitate dilexi te. Et Paulus ait: Elegit nos Deus in filio ante constitutionem mundi Ephe. 1.

Ergo non fuit opus missione & morte filij.

*R E S P O N S.*

## RESPONSIO.

Consilium de reconciliando humano genere per filium, fuit æternum. Adam autem lapsus reuera factus est reus peccati & ira Dei. Misericordia autem motus est Deus, ut promitteret Messiam filium reconciliatorem, propter quem receptus est Adam, & tota posteritas assentiens promissioni.

Deus mori seu pati non potest.

Christus est Deus.

Ergo mori seu pati non potuit.

Respondeo ad maiorem: Christus non solum est Deus, sed etiam homo. Ideo etiam si diuina natura impassibilis est, tamen de Christo, in quo natura diuina & humana inseparabiliter unitæ sunt, rectè dicitur Deum esse passum propter Idiomatum communicationem: Idq; non in abstracto, sed in concreto. Neq; enim rectè dicitur, diuinitas passa, sed Deus est passus. Ideo inquit Irenæus: Diuina natura in Christo quieuit, ut pati ac mori posset.

## DE ASCENSU CHRISTI

in cælum.

Christus ascendit ad cælos:

Ergo antè in cælo non fuit.

Respondeo per distinctionem: Ascendit ad cælos secundum humanam naturam, quæ antè in cælo

## O B I E C T I O N E S I N

lo non fuit, non secundum diuinam naturam, quæ  
semper fuit in cœlis apud patrem. Sicut inquit Ru-  
finus in expositione Symboli: Ascendit ad cœlos,  
non ubi uerbum Deus antè non fuerat, quippe qui  
erat semper in cœlis, & manebat in patre, sed ubi  
caro factum antè non sedebat.

### A L I V D.

Deus est essentia incorporea, non ha-  
bens manus aut alia membra:  
Ergo Christus non potest sedere ad  
dexteram patris.

### R E S P O N S I O.

Dextera in scripturis potentiam significat. In-  
tur sedere Christum ad dexteram patris, non est cū  
certo loco affixum esse in cœlis, sed habere omnem  
potestatem in cœlo & terra, seu æqualem esse patri  
omnipotentia, etiam secundum humanam naturam.  
Sicut inquit Matthæi ultimo: Data est mihi omnis  
potestas, quæ est in cœlo & in terra.

TER T I A P A R S S Y M B O L I;  
DE SPIRITV SANCTO, ET EC-  
clesia, eiusq; sanctificatione & glori-  
ficatione.

Credo in Spiritum sanctum, san-  
ctam Ecclesiam catholicam,  
Sancto.

SYMBOLVM APOST. 4

Sanctorum cōmunionem, Re-  
missionem peccatorum, carnis  
resurrectionem, & uitam eter-  
nam, Amen.



QVAESTIO, DE SPIRITU SAN-  
cto, an sit Deus, & distincta persona à pa-  
tre & filio.

Estne Spiritus sanctus Deus, & perso-  
na distincta à patre & filio? Respon-  
sio,

O B I E C T I O N E S I N

Proba esse Deum.

**Psal. 49.**

Inuocatio ad Deum solum dirigenda est, iuxta illud: Inuoca me in die tribulationis.

**Mat. 28.**

Inuocatio dirigitur ad Spiritum sanctum, sicut testatur forma Baptismi. Ergo Spiritus sanctus est Deus.

A L I V D.

Sanctificare & uiuificare est opus solius Dei.

Spiritus sanctus sanctificat & uiuificat corda:

Ergo Spiritus sanctus est Deus.

A L I V D.

Spiritus sanctus à Paulo uocatur Dominus, posteriore Corinth. 3. Et Gene. 1. dicitur spiritus Dei.

Ergo spiritus sanctus est Deus.

Proba Spiritum sanctum esse personam distinctam à patre & filio.

1.

**Matth. 3.**

**Acto. 2.**

Apparet Spiritus sanctus in Baptismo Christi peculiari forma, scilicet columbe. Item in die pentecostes in linguis igneis.

Ergo Spiritus sanctus est distincta persona à patre & filio.

In



SYMBOLVM APOST. 49

In formula Baptismi, Baptizo te in no-  
mine patris, & filij, & spiritus san-  
cti, distinguitur spiritus sanctus à  
patre & filio, & tribuitur ei honos  
omnipotentiae & inuocationis

26  
Matt. 28

Ergo spiritus sanctus est distincta per-  
sona à patre & filio, æquè cum illis  
omnipotens, exaudiens & saluans.

Christus inquit, Ioan. 14. Rogabo pa-  
trem, & aliū paracletum dabit uo-  
bis.

30

Ergo discernit spiritum sanctum à se  
& patre, nec significat ipsum pa-  
trem, nec agitationem creatam à  
patre in cordibus.

QVAESTIO, AN FVERIT SPIRI-  
tus sanctus ante Christum incarnatum.

Fuitne Spiritus sanctus ante Christū  
incarnatum? Respon.

Fuit. Sicut Petrus testatur loquens de prophetis.  
Spiritus Christi in eis praedixit Christum passurum  
esse. Esaias cap. 59. inquit: Hoc est foedus meum  
cum eis, dicit Dominus, Spiritus meus, qui in te est,  
& uerba quae posui in ore tuo, non recedent ab ore  
tuo, nec ab ore seminis tui, dicit Dominus, deinceps  
& in sempiternum.

1. Petr. 1.  
et 2. Petr. 1

**O B I E C T I O N E S I N  
D E E C C L E S I A .**

**Quid Ecclesia.**

**Estne Ecclesia coetus uisibilis?** *Respon-*  
*Est, sed tamen dissimilis politijs seu regnis hu-*  
*ius mundi, quae titulis & ordinarijs successiombus*  
*ordinata sunt.*

**Quid est ergo Ecclesia?**

*Ecclesia est uisibilis coetus amplectentium Eu-*  
*angelium Dei, & obedientium Euangelio, & rena-*  
*torum spiritu sancto, cui coetui admixta est in hac*  
*uita magna multitudo non renatorum, sed tamen*  
*de doctrina consentientium.*

**O B I E C T I O D E O R D I N A R I A  
successione.**

**Politia Mosaica alligata fuit ad cer-**  
**rum ordinem & successionem.**

**Ergo etiam Ecclesia in nouo Testa-**  
**mento alligata est ad titulos, & or-**  
**dinariam successionem Episcopo-**  
**rum.**

**R E S P O N S I O .**

**Nego consequentiam:** *Quia est dissimilitudo.*  
*Nam diuinitus ordinata fuit politia Iudaica, & alli-*  
*gata ad certas leges, & ceremonias Leuiticas. Sed*  
*Ecclesia noui testamenti alligata est tantum ad uer-*  
*bum Dei. Sicut inquit Christus: Oues meae uocem*  
*meam audiunt, Ioan. 10, de hac dictum est à Christo:*  
*Die*

*Oic Ecclesie, non de ea, quæ pertinaciter defendit  
idola & impios errores.*

## C O N T R A.

Paulus uult fieri omnia ordine in Ec 1. Cor. 14  
clesia.

Ergo necesse est alligatam esse Eccle-  
siam ad certas leges, & ordinariam  
successionem, ne corpus sit sine ca-  
pite.

## R E S P O N S I O.

Nego consequentiam: Nam alligata est Ecclesia  
ad sinceram doctrinam Euangelij. Sicut inquit Chri-  
stus: Oues mee uocem meam audiunt. Et Christus Ioan. 10  
est caput Ecclesie. Sicut inquit Paulus, Ephe. 1. Et  
ipsum (Christum) dedit caput super omnia Eccle-  
sie, quæ est corpus eius integrum, perficientes os  
omnia in omnibus. Ordo autem in Ecclesia est obser-  
uandus docendi causa, sine opinione tamen iustitiæ,  
cultus aut necessitatis. Nam extra casum scandali  
uiolari possunt traditiones humane sine peccato.

Q V A E S T I O D E S A N C T I F I-  
catione Ecclesie.

Estne Ecclesia sancta? Respon.

Est, sicut eam Symbolum uocat, & Diuus Pau-  
lus, Ephe. 5. sed quantum ad imputationem, & im-  
borationem sanctitatis, non quantum ad consumma-  
tionem attinet. Nā Ecclesia multiplicem habet ad-

## O B I E C T I O N E S I N

*huc infirmitatem, quam Deus ei condonat propter  
Christum mediatorem, cuius spiritu donata inchoat  
etiam nouitatem, seu sanctitatem in hac uita,*

### C O N T R A.

*Opera Dei sunt perfecta.*

*Sanctificatio est opus spiritus sancti:  
Ergo sanctificatio Ecclesie est perfecta,  
seu consummata in hac uita, &  
nulla est imbecillitas, nullæ reliquæ  
peccati in renatis.*

*Respondeo ad maiorem, per distinctionem. Opera  
Dei sunt perfecta, quantum attinet ad conditionem  
rerum, non quantum ad regenerationem Ecclesie,  
quam Deus in hac uita inchoat, sed consummabitur  
in uita æterna. Interea imbecillis est Ecclesia,  
sed adiuuatur à spiritu sancto in ærumnis, sicut inquit  
Paulus, Roma. 8. Spiritus Dei auxiliatur infirmitatibus  
nostris.*

### D E G L O R I F I C A T I O N E E C C L E S I E, Q u æ s t i o.

*Quæ est gloria Ecclesie? Respon.*

*Ea in hac uita est uera agnitio et inuocatio Dei,  
gloriosa & mirabilis inde usq; ab initio mundi, eius  
conseruatio, & liberatio contra hostes, Diabolum,  
tyrannos, & impios doctores, omnibus temporibus.  
Post resurrectionem uerò erit futura perfecta  
liberatio ab omnibus ærumnis, cum in uita æter-*

na fruimur dulcissima cōsuetudine & aspectu Dei,  
cum angelis & electis. Sicut inquit iohannes: Cha-  
rissimi, nunc filij Dei sumus, & nondum apparuit  
quod futuri sumus. Scimus autem quoniam cū apo-  
paruerit, similes ei erimus, quoniam uidebimus eum  
sicut est.

## TER TIA PARS CA- TECHISMI, DE INVOCATIONE Dei, seu de preccatione.



Q V A E S T I O.

Estne inuocatio Dei proprium opus

## O B I E C T I O N E S I N

**Ecclesie, non comune cum Iudæis, Turcis, aut alijs gentibus?**      *Respon.*

*Est. Quia Ecclesia tantum uerè Deum agnoscit, scit quem Deum inuocet, & per quem & cur exaudiatur.*

## C O N T R A.

**Inuocant Deum etiam Turcæ & Iudæi.**

**Ergo inuocatio non est opus solius Ecclesie, sed etiam aliarum gentium.**

*Respondeo per distinctionem ueræ & falsæ inuocationis.*

*Vera inuocatio est, quæ dirigitur ad Deum per filium mediatorem, hac fide nos certò exaudiri à Deo propter hunc pontificem nostrum, sicut inquit: Quæcunq; petieritis patrem meum in nomine meo, dabit uobis, Ioan. 16.*

*Falsa, Turcica & Iudæica inuocatio est, quæ dirigitur ad Deum sine Christo mediatore, quare dupliciter aberrant à Deo Iudæi & Turcæ: primum de essentia Dei. Deinde de uoluntate. Ideo de exauditione certò statuere nō possunt, quia mediatorem filium non agnoscunt.*

## D E I N V O C A T I O N E S A N -

*ctorum, Questio.*

**Sūntne inuocandi Sancti tanquam in  
percesso-**

ORATIONEM DOMI. 45

tercessores, quorum precibus ac meritis  
exaudiamur à Deo? Respon.

Non. Quia tantum propter Christum mediatorem, cuiusq; merita & intercessionem promissa est Ecclesie exauditió & liberatió. Sicut inquit ipse Christus: Quicquid petieritis patrem in nomine Ioan. 16. meo, dabit uobis.

C O N T R A.

Sancti sunt honorandi. Sicut inquit  
Psal. Laudate Dominum in sanctis Psal. 150.  
eius.

Ergo sanctos inuocare debemus.

R E S P O N S I O.

Nego consequentiam: Quia plus est in consequente, quàm in antecedente. Nam honor & inuocatio diuersi sunt cultus seu opera. Inuocatio tantum Deo debetur, qui solus cordium motus intelligit: honor autem tribui debet sanctis, primò ut gratias agamus Deo pro utilibus organis Ecclesie. Secundò, ut confirmemus eorum exemplis fidem nostram. Tertiò, ut imitemur eorum uirtutes, fidem, constantiam, castitatem, & confessionem &c.

A L I A O B I E C T I O.

Sancti orant pro Ecclesia. Item angeli. Zachariæ 1.

Ergo sancti sunt inuocandi.

O B I E C T I O N E S I N  
R E S P O N S I O.

*Nego consequentiam : Quia etiam si orant Sancti pro uniuersa Ecclesia, tamen hinc non sequitur inuocandos esse. Quia de inuocatione sanctorum in Scriptura sacra neque mandatum, neque promissio extat, neque etiam exemplum ullum probatum. Quia talis inuocatio uerbo Dei, seu promissioni diuinae non nititur. Ideo de exauditione cum inuocat sanctos, certa esse non potest Ecclesia.*

A L I A.

*Viuos licet rogare, ut pro nobis orent Deum.*

*Ergo etiam mortuos licet inuocare.*

R E S P O N S I O.

*Nego consequentiam : Quia est dissimilitudo. Nam de uiuis extat mandatum & promissio, non de mortuis : & tantum propter merita & intercessionem Christi mediatoris, non Sanctorum, promissa est exauditiō Ecclesiae. Ideo ad Christum mediatorem confugere debemus, uocantem ad se Ecclesiam. Matth. 11. Venite ad me omnes &c.*

A L I A.

*Iacob uult nomen suum inuocari à posteris. Et Moises orat : Memento Domine seruorum tuorum, Abrahamæ, Isaac, & Iacob. Item in Psalmo orant fideles Deum, ut recordetur Dauidis; Ergo*



Ergo inuocandi sunt sancti, & Deus exaudit Ecclesiam propter sanctorum intercessionem & merita.

Respondeo ad antecedens. Iacob petit ut Deus posteris suis adsit propter datam sibi promissionem, & gratia diuini fœderis etiam ad posteros suos perueniat. Et Moses rogat, ut Deus & se & populum suum recipere, iuuare, & liberare uelit, propter datam promissionem Abrahamæ, Isaac & Iacob, cuius ipsi sint posteritas. Ita etiam fideles in Psalmo orant, ut Deus recordetur Davidis, hoc est, promissionis datæ Davidi de mittendo Messia, & liberatione Ecclesiæ. Non igitur ad personas, sed ad datam promissionem respexerunt Iacob, Moses, & alij inuocantes Deum. Et ineptè allegantur exempla, ubi expresse scripturæ repugnant, Vt: Inuoca me in die tribulationis. Item: Quicquid petieritis patrem in nomine meo, dabit uobis.

#### RATIONES, Q. VIBVS IMPROBatur Sanctorum inuocatio.

Proba inuocationem Sanctorum esse impiam & idolatricam.

##### I.

Honor Dei non est tribuendus creaturis, iuxta illud Esaiæ 42. Honorem meum non dabo alteri.

Inuocatio

## O B I E C T I O N E S I N

Inuocatio est honor, qui soli Deo debetur, iuxta illud Psalmi: Inuoca me &c.

**Psal. 49.** Ergo inuocatio non debet tribui creaturis seu sanctis.

### I I.

Inuocatio Sanctorum obscurat gloriam Christi, & ab eius fiducia abducit Ecclesiam:

Ergo inuocatio sanctorum est improbanda.

### I I I.

De inuocandis sanctis neque mandatum, neque promissionem habet scriptura:

Ergo inuocandi non sunt.

### I I I I.

**1. Tim. 2.** Solus Christus est constitutus à Deo mediator & pontifex Ecclesie:

**Hebr. 2.** Ergo solus Christus est inuocandus, non sancti.

### V.

**Ioan. 14.** Tamen propter merita Christi mediatoris exaudimur:

Ergo non propter intercessionem seu merita sanctorum.

### V I.

**Psal. 7.** Sancti non intuentur motus cordium, nam hoc solum opus est naturæ omnipotentis:

**Ierc. 17.** Ergo sancti non sunt inuocandi, quia non intelligunt

**Apoç. 11.** animarum motus, seu cogitationes.

### V I I.

Angelos

Angelus uetat se adorari, Apoc. 12.

Ergo angeli & mortui non sunt inuocandi aut adorandi.

## VIII.

Synodus Cartaginensis prohibuit ne Sacerdos diceret ad altare : Sancte Petre , Sancte Paule ora pro me.

Ergo sancti non sunt inuocandi.

## OBIECTIO DE EXAUDITIONE.

Non semper præstantur à Deo, quæ petimus :

Ergo promissio de exauditione non est uniuersaliter uera.

Respondes per distinctionem bonorum corporaliū & spiritualium : Bona corporalia promissa sunt cum conditione nostre salutis, & gloriæ Dei. Ideo interdum uel differuntur, uel omnino non præstantur in hac uita. Quare in petitione corporaliū rerum Ecclesia se subijcere debet uoluntati diuine. Sicut fecit Dauid, 2. Regum 15. inquit : Si inuenio gratiam in oculis Domini, reducet me. Sin autem dixerit mihi, non places, præstò sum : faciat quod bonum uidetur ipsi. Bona uerò spiritualia, ut sunt remissio peccatorum, donatio spiritus sancti, & uite eterne, certò promissa sunt Ecclesie propter mediatorem: Ideo semper præstantur petentibus.

Sicut

## O B I E C T I O N E S I N

**Luce 11.** *Sicut inquit Christus: Pater dabit spiritum sanctum  
petentibus, scilicet fide seu inuocatione, ac fiducia  
mediatoris.*

### PRINCIPIVM ORATIO- NIS DOMINICAE.

**Pater noster qui es in coelis.**



**O B I E C T I O D E E X A V D I T I O -**  
*ne sine filio mediatore.*

**In Oratione dominica nō fit mentio  
filij mediatoris.**

**Oratio**

# ORATIONEM DOMI. 48

Oratio dominica exauditur à Deo.  
Ergo quædam inuocatio exauditur  
sine filio mediatore.

## R E S P O N S I O.

Nego Maiorem : Quia cum Deum nostrum pa-  
trem appellamus, simul includimus filium, propter  
quem Deus factus est noster pater, & nos sibi filios  
adoptauit, Ephe. 1. Sicut igitur Deus pater noster  
est per filium, ita etiam propter filium nos exaudit.  
Sicut inquit Christus : Si quid petieritis patrem in  
nomine meo, dabit uobis. Hæc promissio in omnibus  
orationibus cogitari debet. Nam extra filium me-  
diatorem Deus neminem exaudit, nec est pater, sed se-  
uerus iudex, damnans & reiiciens homines propter  
peccatum.

## PRIMA. SECUNDA ET TERTIA PRECATIO.

Sanctificetur nomen tuum. Adue-  
niat regnum tuum. Fiat uolun-  
tas tua sicut in cœlo & inter-  
ra.

## OBIECTIO DE BONIS

*spiritualibus.*

Sanctifi-

# OBIECTIONES IN



Sanctificatio nominis Dei, aduentus  
seu augmentum regni eius, & vo-  
luntatis executio pertinent ad glo-  
riam Dei, & salutem nostram:

Ergo hæc bona cum petuntur, con-  
summatè tribui debent. Quia sunt  
bona spiritualia, quæ certò promif-  
sa sunt sine conditione.

Respondeo per distinctionem: Promissa sunt sine  
conditione quantum attinet ad gloriam Dei, & cer-  
tò dantur. Sed quantum attinet ad Ecclesiam, quæ  
subiecta est in hac vita cruci. Item ad exercendam  
fidei

*fidem in inuocatione, & ad malitiam Diaboli impediens gloriam Dei. Differuntur interdum hæc bona, aut certè occultatur largitio, ut crescat ardor Ecclesie in inuocatione, consummabuntur autem in uita æterna, in qua uidebimus preces nostras non fuisse irritas seu inanes.*

### QVARTA PETITIO.

Panem nostrum quotidianum da nobis hodie.



O B I E C T I O N E S I N  
DE PANE QVOTIDIANO,  
*seu uictu.*

Sollicitudo est prohibita, inquit enim  
Christus Matthæi sexto cap. Ne  
sitis solliciti in crastinum, quid eda-  
tis aut bibatis.

Petens panem quotidianum, est soli-  
citus de crastino.

Ergo petens panem quotidianum, a-  
git contra admonitionem Chri-  
sti.

R E S P O N S I O.

Duplex est sollicitudo. Quedam coniuncta est  
cum diffidentia, hæc est prohibita. Alia non est  
coniuncta cum diffidentia, quæ est uocationis. De  
qua inquit Diuus Paulus, Roma. 12. Qui præst,  
id faciat cum sollicitudine. Et monet Christus, ne à  
sollicitudine seu diffidentia nos sinamus opprimi,  
ita ut propter diffidentiam de uictu & de-  
fensione, deficiamus à ueritate seu con-  
fessione Euangelij.

QVIN.



ORATIONEM DOMI.

30

QVINTA PETITIO.

Et remitte nobis debita nostra, si-  
cut & nos remittimus debitori-  
bus nostris.



DE CONDONATIONE OFFEN-  
*sarum mutus.*

Christus requirit mutuam condona-  
tionem delictorum proximi, ut no-  
bis quoque remittantur peccata no-  
stra à Deo.

Ergo remissio peccatorum non est

G 2

O B I E C T I O N E S I N  
gratuita, sed pendet ex conditione  
nostræ condonationis tanquam ex  
causa seu merito.      R E S P.

Nego consequentiam : Quia nostra condona-  
tio est signum diuinæ condonationis, certificans  
nos de remissione nostrorum peccatorum, & requi-  
rit eam Christus tanquam fructum, nō tanquam cau-  
sam diuinæ indulgentiæ. Placet autē Deo nostra cōdo-  
natio, sicut alia bona opera propter Christum. Ideo  
aut remissio peccatorū non pendet ex conditione, ut  
certa sit promissio, Vt docet Paulus ad Roma. 4.

S E X T A P E T I T I O.  
Et ne nos inducas in tētationem.



ORATIONEM DOMI. 51

DE TENTATIONE.

Iubet Christus petere, ne inducamur  
in tentationem à Deo.

Ergo Deus est autor tentationis seu  
peccati.

RESPONSIO.

Nego consequentiam. Nam induci in tentatio-  
nem, significat phrasi Hebraica, non effectiue, sed  
permissiue permittere ut inducamur. Nam uerba  
actius sepe significant passiuè Hebræis. Sic dicit Exod. 4.  
Deus ad Moysen: Indurabo cor Pharaonis, id est,  
finam ut induretur. Est igitur sententia petitionis,  
ne finas nos opprimi in tentatione. Sic Iacobus ait: Iac. 1.  
Deus non tentat malis, id est, non est is qui suggerit  
malas tentationes, sed Diabolus. 1. Thess. 3.

SEPTIMA PETITIO.

Sed libera nos à malo.

DE FINE MALORVM.

Multi petentes liberationem à malis,  
ut à morte & cæteris ærumnis huius  
uitæ, non exaudiuntur.

Ergo promissio de exauditione est ir-  
rita.

RESPONSIO.

Nego consequentiam: Quia Deus exauditio-

## O B I E C T I O N E S I N

*tem in corporalibus malis promisit cum conditio-  
ne, liberat tamen inuocantes etiam in corporalibus  
periculis, oportuno tempore, Et quo modo ipse or-  
dinauit: aut per mortem, quæ non est ultimum ma-  
lum, ad vitam meliorem perducuntur.*



## A L I A, D E E X A U D I T I O N E.

*Deus peccatores non exaudit, Ioan. 9.  
Omnes homines sunt peccatores:  
Ergo nemo exauditur.*

*Respondeo ad maiorem, per distinctionem. Nam  
duplices sunt peccatores. Resipiscemes, quos ex-  
audit*

ORATIONEM DOMI. 52

audiat Deus, & perseverantes in peccatis, contra conscientiam, hos Deus non exaudit quamdiu in proposito peccandi perseverant, contra testimonium conscientie.

QVAESTIO DE DVBITATIONE.

Licetne dubitare de gratia Dei, & liberatione? Respon.

Non. Quia dubitatio est peccatum arguens Dei mendacij in datis promissionibus.

CONTRA.

Dubitant etiam pñ, ut leprosus Matthæi 8. inquiens: Domine, si uelis potes me mundare.

Ergo dubitatio non est peccatum.

RESPONSIO.

Nego consequentiam: Quia morbus inherens in natura etiam piorum peccatum est, sed condonatur cum repugnant huic malo naturali, erigentes se fide inueniente promissiones.

ALIA.

Superbia est iactare se esse in gratia Dei.

Ergo dubitatio est uirtus.

Respondeo ad antecedens: Superbia est iactare se esse in gratia Dei, sine uerbo Dei reuelato: sed quia Deus uoluntatem suam nobis in filio reuelauit

O B I E C T I O N E S I N  
*de reconciliatione. Ideo certò statuere debemus esse  
nos receptos propter mediatorem, iuxta illud: Di-  
lecti sumus in dilecto, Ephe. 1.*

Q V A R T A P A R S C A-  
T E C H I S M I, D E P O E N I T E N T I A,  
*Confessione, & Absolutione.*



D E P O E N I T E N T I A.  
Q V A E S T I O, A N R E N A T I  
*iterum labi possint.*

P o s s u n t n e, q u i r e n a t i s u n t, i t e r u m l a-  
b i,

bi, & amittere fidem, & Spiritum sanctum? Respon.

Possunt, cum contra conscientiam peccant, sicut Saul & Dauid lapsi sunt, quorum alter prorsus perijt, alter rursus ad Deum conuersus est. Et Paulus inquit, priore ad Corinth. 10. Qui uidetur stare, uideat ne cadat.

ALIA, AN LAPSI SIT REDITUS ad gratiam.

Supereſt ne lapsis post baptismum remissio peccatorum, seu reditus ad gratiam? Respon.

Etiam. Quia Dauid, Manasses, Petrus post lapsus horrendos, iterum consecuti sunt remissionem peccatorum. Sic Paulus Galatarum Ecclesiam lapsam reuocat ad poenitentiam, & recipi iubet Corinthium incestum, 2. Corinth. 2. Et Ezechiel 33. Vt uo ego, dicit Dominus, nolo mortem peccatoris, sed ut conuertatur, & uiuat. Et Luca 15. inquit Christus: Gaudium est angelis super uno peccatore poenitentiam agente.

#### OBIECTIO.

Inquit Paulus ad Hebræos 6. Impossibile est eos, qui semel illuminati sunt, reuocari ad poenitentiam.

Item uoluntariè peccantibus post acceptam notitiam ueritatis, iam

## O B I E C T I O N E S I N

nō relinquitur pro peccatis hostia,  
sed terribilis expectatio iudicij.

Ergo lapsis post Baptismum non superest locus gratiæ.

Respondeo ad priorem locum, per distinctionem : Negatur renouatio ijs, qui non auscultant amplius Euangelio, sed illud contemnunt, & ut postea addit, crucifigunt & ludibrio habent Christum.

Alter locus non negat lapsos posse resurgere, aut redire ad beneficia Christi, sed excludit alias hostias quas cunq; siue legales, siue excogitatas ab hominibus, quibus Pharisei & alij putabant se mereri remissionem peccatorum.

Q V A E S T I O, A N O M N I A P E C C A T A sine remissibilia.

Remittuntur ne omnia peccata resipiscantibus? Respon.

Etiā. Quia inquit Propheta Ezechiel, ca. 33. de impio resipiscēte. Omnia peccata eius quæ peccauit, non imputabuntur ei : iudicium & iustitiam fecit, uita uiuet.

## C O N T R A.

Inquit Christus: Qui dixerit uerbum contra spiritum sanctum, non dimittetur ei.

Ergo est aliquod peccatum irremissibile.

R E.



# CATECHIS. DE POENIT. 14

## R E S P O N S I O.

Concedo consequentiam. Sed hoc ipsum peccatum cum ad gratiam confugimus, etiam sit remissibile. Nam Augustinus peccatum irremissibile interpretatur finalem impœnitentiam, seu desperationem: & eodem interprete, dicit uerbum contra spiritum sanctum, qui uerbum prædicatum, & confirmatum testimonijs spiritus, ad extremum pertinaciter repudiat.

## Q V A E S T I O D E P A R T I.

bus pœnitentiæ.

Sunt ne pœnitentiæ partes solùm contritio & fides? Respon.

Sunt. Quia hi duo motus requiruntur in regeneratione impij. Primum, ut per legem peccata agnoscat, & uerè doleat de admissis peccatis ex cōsideratione immense iræ Dei aduersus peccatum. Deinde, ut rursus concipiat certam fiduciam de remissione peccatorum, donata gratis propter Christum, qua mens consolationem accipit, & erigitur non conspectu iræ Dei, & propriæ indignitatis ruat in desperationem, aut odiū Dei, sicut Cain, Saul, Iudas, & similes.

## C O N T R A.

Papistæ faciunt partes pœnitentiæ, contritionem, confessionem, & satisfactionem. Respon.

Papistæ

## O B I E C T I O N E S   I N

*Papistæ contra uerbum Dei faciunt has partes pœnitentiæ, omittentes fidem. Quia confessio quam illi uocant auricularem, non est mandata in uerbo Dei, & doctrina de satisfactione obscurat beneficium Christi, cuius mors sola est satisfactio pro peccatis. Porro fidem quam nouitas uitæ sequitur tãquam fructus, partem esse pœnitentiæ, docet Christus, cùm iubet prædicari in nomine suo pœnitentiã, & remissionem peccatorum, quæ sola fide accipitur.*

## O B I E C T I O N E S   D E   S A - tisfactione.

*Satisfactio mos fuit uetus Ecclesiæ:  
Ergo & nunc seruari debet.*

*Respondeo per distinctionem: Castigatio seu publica disciplina ueteris Ecclesiæ, qua excommunicati seu exclusi à cæterorum consortio, testabantur publicè, se uerè agere pœnitentiã, retineri debet in Ecclesia, exempli causa, ut alij mores regant diligentiùs, et explorentur lapsi, an seriò resipiscant, qui redeunt ad Ecclesiam. Sed persuasio de compensatione pro peccatis per ieiunia, peregrinationes, & alia opera indebita, ut uocant, imposita resipiscemibus, impia est & reiicienda, quia obscurat lucem Euangelij de fide accipiente remissionem peccatorum gratis propter Christum.*

## C O N T R A,

Deus

CATECH. DE POENIT. 55

Deus non solum misericors est, sed etiam iustus, & iudex puniens peccata. Ideo etsi culpam remittit gratis propter Christum, tamen etiam compensationem exigit pro peccatis, ut iustitiæ suæ satisfiat.

R E S P O N S I O.

Nego consequentiam: Quia per mortem Christi, *que unica est compensatio pro peccatis, tum à culpa, tum à poena liberamur fide.* Sicut inquit Paulus: Per Christum habemus uictoriam. Item, Donum Dei est uita aeterna, per Iesum Christum, Roma. 6. 1. Cor. 5.

QVAESTIO DE POENIS, QVAE  
resipiscantibus imponuntur.

Si tum culpa, tum poena remittitur gratis fide propter Christum, cur ergo resipiscantibus ærumnae corporales imponuntur, ut Dauidi, & alijs?

R E S P O N S I O.

Non hoc fit ut mereantur poenae temporales relaxationem poenarum purgatorij, aut allatum, sed ut recepti à Deo diligentius deinceps peccata uident, & habeant occasionem exercendae inuocationis, & ut poenae corporales mitigentur poenitentia. Nam sicut inquit Ioël 2. Conuertimini ad Dominum, quoniam misericors & bonus est, & remittens poenae.

O B I E

## OBJECTIONES IN OBJECTIONIO.

Satisfactiones pro peccatis sunt impia.

Ergo non est satisfaciendum lapsis aut iniuria affectis à nobis : nec mortificanda est caro exercitijs corpora libus.

## RESPONSIO.

Nego consequentiam : Quia duplices sunt satisfactiones. Alie sunt Scholasticae ut ieiunia, certae preces, peregrinationes, & similes, quae imponuntur lapsis, tanquam compensatio poenarum. Haec sunt impia, quia obscurant gloriam Christi. Alie sunt civiles, ut cum res ablatae restituantur, & satisfiat affectis iniuria. Haec necessariae sunt, & pertinent ad contritionem, iuxta illud : Declina à malo, & fac bonum. Item, qui furatus est, amplius non furetur. Non sunt igitur haec opera indebita, sed mandata à Deo, sicut etiam diligentia mortificandae carnis, & obsequia uocationis, quae saepe tollit & mitigat poenam. iuxta illud Pauli : Si nos non iudicauerimus, non iudicabimur à Domino,

*Psal. 33.*

*Ephef. 4.*

*2. Cor. 11.*

## DE CONFESIONE.

### QVAESTIO, AN CONFESSIO retinenda sit in Ecclesia.

Estne confessio retinenda in Ecclesia?  
Est,

Est, Primum propter absolutionem. Deinde propter disciplinam. Quia per eam occasio in docti erudiri, & commodius institui de tota doctrina possunt.

ALIA, DE ENUMERATIONE  
omnium peccatorum.

Estne exquisita illa omnium peccatorum enumeratio necessaria? Respon.

Non. Quia sine hac & absolutionem & consilia resipiscences petere possunt.

C O N T R A.

Iudex non absoluit, nisi prius cognoscat delictum.

In confessione fit absolutio:

Ergo necesse est etiam fieri cognitionem criminum.

R E S P O N S I O.

Nego consequentiam: Quia duplex est potestas Ecclesie. Altera vocatur ministerium, quo impertiuntur nobis ministri Euangelium & Sacramenta, annunciantes remissionem peccatorum publice et priuatim poenitentibus gratis propter Christum. Hæc potestas non est mandatum cognoscendi delicta, nec est iudicium, sed tantum ministerium impertiendi beneficii, iuxta illud: Quorumcunque remiseritis peccata, remittuntur eis. Altera potestas vocatur iurisdictio, quæ est iudicium quoddam eternum

Ioan. 20.

## OBIECTIONES IN

eternum Ecclesie, quod tantum ad manifesta crimina pertinet, excommunicat & absoluit. De hoc iudicio Ecclesie loquitur maior syllogismi.

## DE ABSOLUTIONE.

QVÆSTIO, AN CONFESSARIUS peccata remittat.

Remittit ne confessarius seu minister Ecclesie peccata in absolutione? Resp.

Ioan. 20. Etiam. Quia inquit Christus: Quorumcumque remiseritis peccata, remittuntur eis.

### CONTRA,

Esaie 43 Solus Deus remittit peccata, iuxta illud: Ego sum, dicit Dominus, qui deleo peccata tua propter me. Ergo homo remittere non potest.

### RESPONSIO.

Non est pugnantia. Quia minister seu confessarius peccata remittit, non propria uirtute, sed mandato Dei. Qui inquit: Qui uos audit, me audit. Item, Mat. 16. Quaecumque solueritis in terra, soluta erunt in coelis. Propter hoc uerbum seu promissionem Dei efficax est absolutio ministrorum Ecclesie.

### QVÆSTIO.

Estne retinenda enumeratio peccatorum omnium in absolutione? Resp.

Psal. 19. Non, Quia impossibilis est, iuxta illud Psalmi: Delicta

*Delicta quis cognoscit? Et non est mandata, neque à Christo, neq; ab apostolis.*

C O N T R A.

Perpetuus consensus Ecclesiæ est retinendus.

Mos enumerandi peccata in confessione, est consensus Ecclesiæ.

Ergo hic mos est retinendus.

R E S P O N S I O.

Nego Minorem. Nam inquit Chrysostomus in Psal. 50. Si pudet alicui dicere peccata, dicito ea quotidie in anima tua Non dico ut confitearis consuetudo tua, ut tibi exprobet: dicito Deo, qui sanat ea.

Q V I N T A P A R S C A  
T E C H I S M I D E S A C R A M E N T I S.

D E N U M E R O S A C R A M E N -  
torum, Quesitio.

Suntne plura Sacramenta quàm duo noui Testamenti? Respon.

Non. Quæ quidem Christus in predicatione sua instituit & mandauit Ecclesiæ, habentia annexam promissionem gratiæ Dei, seu reconciliationis, ut Baptismus & Cœna Domini. Vnde igitur Augustinus in Psal. 105, ipse Dominus & Apostolice

## O B I E C T I O N E S I N

*doctrina tradidit pauca quædam signa, sicut est Baptismi sacramentum, & celebratio corporis & sanguinis Domini. His tamen rectè adduntur absolutio & ordinatio, quia & hæc mandatum & promissionem Dei habent, ut: Quorumcunq; remiseritis peccata, remittuntur eis, Ioan. 20. Et: Qui me audit, me audit, Luce 10. Est igitur & absolutio, & ordinatio seu uocatio ad ministerium Euangelij efficax, & utraq; seruari debet in Ecclesia per impositionem manuum, quæ semper signum fuit rei destinatæ ad cultum Dei, & signum benedictionis.*

### O B I E C T I O.

*Si sacramenta dicuntur, quæ mandatum & promissionem dei habent, erunt etiam sacramenta oratio, tolerantia in cruce, eleemosyna, & iniuriarum condonatio. Quia & hæc mandatum & promissionem Dei habent.*

### R E S P O N S I O.

*Possunt hæc in genere dici Sacramenta, sed tantum duæ sunt ceremoniæ, quæ diuinitus instituta sunt in prædicatione Christi, quæ ab alijs operibus moraliibus discernendæ sunt, ut Baptismus & Cæna Domini. Nā hæc expressè habent adiunctam promissionem reconciliationis cum Deo propter Christum.*

A L I A,



## CATECH. DE SACRAMEN. 30

### A L I A.

Papistæ etiā Sacramenta faciunt Confirmationem, Matrimonium, pœnitentiam, & extremā unctionem. Ergo non tantum sunt Sacramenta Baptismus, & Cœna Domini.

### R E S P O N S I O.

Nego consequentiam: Quia Sacramenta ea tantum censenda sunt, quæ à Christo sunt instituta & mandata, & habent adiunctam promissionem grætuæ remissionis peccatorum: hanc quia non habent Confirmatio, Matrimonium, Pœnitentia, quam illi intelligunt, & extrema Unctio, ideo non magis uerè aut propriè dicenda sunt Sacramenta, quam alia opera moralia. Neq; enim quæcunq; actio habet promissionem, dicenda est Sacramentum, sed ea tantum, quæ habet mandatum & promissionem grætuæ reconciliationis, ut Baptismus & Cœna Domini. Confirmatio, quæ olim fuit exploratio doctrinæ. Item Unctio, quæ olim curatio medica fuit, hodie sunt ociosæ ceremoniæ Episcoporum, & impiæ propter superstitionem & abusum. Coniugium autem Sacramentum dicitur à Paulo, quia est mysterium, seu imago & amoris Christi erga sponsam Ecclesiam, & afflictionum & officiorum Ecclesiæ. Ephesi. 5.

DE DISCRIMINE SACRAMENTORUM Veteris & Novi testamenti. Quesitio.

## O B I E C T I O N E S I N

Estne discrimen inter Sacramenta ueteris & noui testamenti? *Respon.*

Prorsus nullum, quantum ad efficaciam & significationem eorum attinet, sed quantum ad ceremonias, seu externa signa. Quia utraq; significant & offerunt gratiam Dei spiritualement, & sunt quasi symbola professionis doctrinae. Nam ut circumcisio testabatur Abraham, & eius posteritatem recipi à Deo in gratiam, & discernebat hunc populum à ceteris idololatriis, ita etiam Baptismus & Cena Domini sunt sigilla, & quasi pignora quaedam gratiae Dei seu reconciliationis cum Deo propter Christum, & discernunt ueram Ecclesiam à Iudeis, Turcis, & alijs religionibus.

## C O N T R A.

Inquiunt Scholastici doctores, Sacramenta ueteris legis figurasse gratiam Dei, nostra uerò eandem exhibere.

Ergo differunt etiam quantum ad exhibitionem gratiae attinet.

## R E S P O N S I O.

Nego antecedens: Quia etiam circumcisio exhibuit Abrahae & posteris eius gratiam Dei. Vnde Paulus circumcisionem uocat signaculum iustitiae *Roma. 4.* fidei Abrahae. Et *i. Corinth. 10.* inquit: Omnes de eadem spiritali petra participasse, & de spiritali potu

potu bibisse. Tametsi nostra sacramenta omnia plenius, quàm ueteris, nobis exhibent. Sicut inquit Paulus: Propior nunc est salus, quàm cum credebamur. Roma. 3.

DE NECESSITATE SACRAMENTORUM.

Estne necessarius usus Sacramento-  
rum ad salutem? Respon.

Est, cum eorum datur habendi facultas. Quia Christus ea instituit ad alendam & augendam nostram fidem de gratuita reconciliatione. Ideo sicut necessaria est prædicatio Euangelij, ita etiam Sacramentorum usus est necessarius & utilis. Quia Sacramenta nihil aliud sunt, quàm uisibile uerbum, quod sicut auribus percipitur, ita Sacramenta in oculos incurrunt.

C O N T R A.

Fides ad salutem sufficit. Quia inquit Christus. Qui credit in me, habet Ioan. 3.  
uitam æternam. Item Paulus: Cor Rom. 10.  
de creditur ad salutem.

Ergo non est opus Sacramentis ad salutem.

R E S P O N S I O.

Nego consequentiam: Quia sacramenta singulari Dei bonitate erga Ecclesiam instituta sunt, ut fidem in nobis augeant, alant & confirmant. Et

## OBJECTIONES IN

**Sunt Sacramenta causæ instrumentales fidei. Ideo sicut ministerium Euangelij necessario requiritur ad fidem, iuxta illud: Fides est ex auditu, ita etiam sacramenta fidem in utente accendunt. Requiritur igitur in usu sacramentorum fides apprehendens promissionem.**

### Q V A E S T I O.

**Saluantur ne ergo, qui credunt, etiam si Sacramentis non sunt usi? Respon.**

**Etiam, si utendi facultas non conceditur. Nam hic fides sufficit, ut in infantibus, qui in lucem ueni non eduntur, et quibus Baptismus aut Coena Domini, ut in Turcica regione, aut alijs locis, denegatur.**

### C O N T R A.

**Eadem est ratio Baptismi & Circumcisionis.**

**Nemo est saluatus inter Iudæos, nisi fuerit circumcissus.**

**Ergo nemo saluatur, nisi baptisatus sit.**

### R E S P O N S I O.

**Nego Minorem: Quia multi etiam saluati sunt ex gentibus, qui non fuerunt circumcisi, nec membra politiae Iudaicae, sed tantum Ecclesiae, ut Nabaman Syrus, et quos Lucas Actorum 2. uiros religiosos uocat. Ita etiam multi saluantur, etiam si baptisati non sunt, aut Coena Domini uti non possunt,**  
qui

## CATECH. DE SACRAM. 60

qui tamen precibus piorum commendantur Ecclesie, & doctrinam Evangelij amplectuntur, & uoluntate se adiungunt Ecclesie, quæ uerbum Dei & legitimum usum Sacramentorum habet.

### DE VSU ET EFFICACIA SACRAMENTORUM.

Requiriturne fides in usu Sacramentorum? Respon.

Etiam. Quia Sacramenta, sicut uerbum prædicatum, Evangelij promissionem de gratuita reconciliatione offerunt, quæ fide percipienda est. Est enim fides quasi Sacramentorum anima. Sunt igitur ita demum Sacramenta efficacia in utentibus, cum fides accedit quæ oblatam gratiam tanquam correlatiuum accipit. Sicut inquit promissio Baptismi: Qui crediderit & baptisatus fuerit, saluus erit. Et Coena Domini: Hoc est corpus meum, quod pro uobis datur: & hic est sanguis meus, qui pro uobis & multis effunditur in remissionem peccatorum.

### DE SACRIFICIIS. EX P. M.

#### Questio.

Differuntne Sacramentum & Sacrificium? Respon.

Etiam. Quia Sacramentum est ceremonia, per quam Deus nobis aliquid promittit, & exhibet, uidelicet remissionem peccatorum, donationem spiritus

## O B I E C T I O N E S I N

tus sancti, uitam eternam, quale in ueteri testamen-  
to fuit Circumcisio, in Nouo Baptismus, Cœna Do-  
mini, & Absolutio. Sacrificium est ceremonia, uel  
opus nostrum, quod nos Deo reddimus, ut eum bono  
re afficiamus.

### Quot sunt species Sacrificij?

Proximæ duæ. Sacrificium ἱλασμός, seu pro-  
pitiationum, uidelicet opus quod meretur alijs re-  
missionem culpe & pœnæ, seu opus reconcilians  
Deum, & placans iram Dei pro alijs: & satisfacto-  
rium pro culpa, & eterna pœnâ. Tale sacrificium  
unicum tantum in mundo fuit, uidelicet passio seu  
mors Christi, ut Epistola ad Hebræos docet. Altera  
species est sacrificium εὐχαριστία, quod non mere-  
tur remissionem peccatorum, aut reconciliationem,  
sed fit à reconciliatis, ut pro accepta remissione pec-  
catorum, & pro alijs beneficijs Deo gratias agant,  
& gratiam referant suæ obedientiæ. Hæc sacrifi-  
cia laudis uocantur, & sunt prædicatio Euangelij,  
fides, inuocatio gratiarum actio, confessio, afflictio-  
nes sanctarum & omnia bona opera, quæ reconci-  
liati per fidem faciunt, ut Deum honore afficiant, et  
obedientiam suam erga Deum testentur. De his in-  
quit Petrus, 1 Petri 2 Sacerdotium sanctum, ut offe-  
ras hostias spirituales. Et Paulus ad Hebr. 13 Per  
ipsum (Christum) offeramus hostiam laudis semper  
Deo, fructum labiorum confitencium nomini eius.

licet

Item Psalm. 49. Immola Deo sacrificium laudis. Et  
 Psalm. 50. Sacrificium Deo spiritus contribulatus.

### O B I E C T I O D E S A crificijs.

Erant in ueteri testamento sacrificia  
 propitiatoria pro peccato.

Ergo non tantum passio & mors  
 Christi sunt sacrificium propitia-  
 torium.

Respondeo ad antecedens, per distinctionem: Sa-  
 crificia ueteris Testamenti propitiatoria uocaban-  
 tur. Primò, quia merebantur remissionem peccato-  
 rum in externa conuersatione, hoc est, ne lapsi ex-  
 cluderentur ex politia Moysi, non coram Deo. Nam  
 inquit Paulus ad Hebr. 10. Impossibile fuit sangui-  
 ne taurorum & hircorum auferri peccata. Deinde  
 propitiatoria dicebantur propter significationem  
 seu similitudinem, nò quòd mererentur remissionem  
 peccatorum coram Deo, sed quia significarent fu-  
 turum Christi sacrificium, hoc est, passionem &  
 mortem eius. Hoc testantur hæc testimonia scriptus  
 7. ad Hebr. 10. Vnica oblatione consummauit san-  
 ctos. Item, in qua uoluntate (Christi) sanctificati  
 sumus per oblationem corporis Christi semel. Item  
 Esaia 53. Postquam dederit animam suam hostiam  
 pro delictis, uidebit semen longæuam.

## O B I E C T I O N E S I N

### A L I A.

In ueteri testamento fuerunt externi cultus, seu sacrificia, quæ merebantur remissionem peccatorum.

Ergo & in Nouo tales cultus esse debent.

### R E S P O N S I O.

Nego primum antecedens : quia Leuitici cultus non merebantur remissionem peccatorum coram Deo, sed erant tantum signa futuri sacrificij Christi. Deinde nego consequentiam : quia est dissimilitudo. Nam cultus Leuitici erant mandati à Deo, in quorum locum, reuelato Euangelio, successerunt cultus spirituales, qui sunt fides, inuocatio, cōfessio, patientia in cruce, & ceteri fructus ac signa fidei, iuxta illud : Dabo legem meam in corda eorum. Et Christus inquit : Veri adoratores adorabunt patrem in spiritu & ueritate, hoc est, uero cordis affectu.

### A L I A, D E A P P L I C A T I O N E

sacrificiorum *ἐὺχαριστῶν* pro alijs.

De natura, ut inquit Scholastici doctores, est cuiuslibet sacrificij, ut applicetur pro alijs.

Ergo etiam sacrificia *ἐὺχαριστῶν* applicari debent pro alijs, & merentur alijs remissionem peccatorum, & alia bona.



## R E S P O N S I O.

**Nego antecedens :** Quia opera nostra non applicantur alijs, sunt enim imperfecta, & uix nobis ipsis sufficiunt, ut testatur parabola de uirginibus **M**isitis. Habent igitur opus fide, quæ petit, ne imputetur nobis infirmitas. Et inquit Abacuc. Iustus fide sua uiuet. Non igitur bona opera applicantur alijs, sed facienti tantum profunt.

## C O N T R A.

Oratio prodest alijs.

Ergo etiam alia bona opera possunt applicari alijs.

## R E S P O N S I O.

**Nego consequentiam :** Quia est dissimilitudo. Nam oratio non offert Deo aliquod opus nostrum, quod sit precium pro alijs, sed tantum cupit accipere à Deo propter Christum. Promisit autem Deus se daturum & nobis & alijs, pro quibus petimus.

## A L I A.

Iustitia paucorum sæpe impetrat bona alijs.

Ergo bona opera alijs applicantur.

**Respondeo ad antecedens,** primum per distinctionem : Iustitia aliena prodest iustis ad impetrandum bona corporalia, non prodest iniustis ad iustificationem, quæ propria fide est accipienda. Iuxta illud : Iustus sua fide uiuet. Deinde non nostrum est  
opua

## O B I E C T I O N E S I N

opus applicare alijs nostra merita, sed Deo debemus permittere, quæ præmia communia uel pecuniaria nobis daturus sit.

### Q V A E S T I O D E S A C R I F I C I O Missæ.

Meretur ne ergo Missæ sacrificium, quod uocant, remissionem peccatorum alijs, & applicari potest alijs? Resp.

Non. Quia sola passio & mors Christi meretur nobis remissionem peccatorum, & placant iram Dei aduersus peccatum, & huius unici sacrificij, quo filius Dei se obtulit patri pro nobis in odorem bonæ fragrantie, applicatio fit tantum propria cuiusq; fide, idq; gratis, non propter alienum opus, iuxta illud: iustus sua fide uicturus est. Item, impossibile est placere Deo sine fide.

### Q V A E S T I O.

Ergo erronea & impia est distinctio aduersariorum, qui fingunt duplex sacrificium Christi: cruentum, quo ipse se pro nobis obtulit in cruce: & incruentum, quod Sacrificulus in Missa offerre se putat? Respon.

Etiā. Quia sacrificio quo reconciliari Deo hominem oportebat, semel defunctus est filius Dei.

Cap. 10. Ut inquit Epistola ad Hebræ. Unica oblatione consummauit sanctos, Vis huius unici sacrificij est æter

na, & fructus eius percipitur in Cœna Domini, in qua Christus suū corpus semel immolatū porrigit nobis in cibū, ut conuescamur, statuētes fide nos reconciliatos esse Deo passionē et mortē Christi. Fit igitur hæc applicatio sacrificij filij dei fide, nō opere sacrificij.

## DE BAPTISMO.

Euntes docete omnes gentes, baptisantes eos in noīe Patris, & Filij, & Spiritus sancti. Qui crediderit & baptisatus fuerit, saluus erit: qui uerō nō crediderit, cōdēnabit̃.



## O B I E C T I O N E S I N

### Q V A E S T I O.

Estne Baptismus Sacramentum? Respon.

Est. Quia Christus mandauit, Matth. 28. Eun-  
tes docete omnes gentes, baptizantes eos in nomine  
Patris, & Filij, & Spiritus sancti. & habet addi-  
tam promissionem de reconciliatione, & donando  
spiritu sancto, & uita aeterna credentibus. Mar. 16,  
Qui crediderit & baptizatus fuerit, saluus erit.

### A L I A, D E N E C E S S I T A T E

Baptismi.

Estne usus Baptismi omnibus necessa-  
rius? Respon.

Etiam. Quibuscunq; datur eo utendi facultas.  
Iuxta illud Ioan. 3. Nisi quis renatus fuerit ex aqua  
& spiritu, non potest uidere regnum Dei. In his uo-  
cò quibus deest utendi facultas; ad salutem fides  
sufficit, quæ promissioni Dei assentitur, iuxta illud:  
Qui credit in me, habet uitam aeternam.

### A L I A, D E D I S C R I M I N E B A- ptismi Christi, & Ioannis Baptistæ.

Estne aliquod discrimen inter Ba-  
ptismum Ioannis & Apostolorum, seu  
Christi? Respon.

Nullum prorsus, quantum ad ministerium seu cõ-  
remoniã, & efficaciam Baptismi attinet, sed quan-  
tum ad personas, quia & baptismus Ioannis et Apo-  
stolorum admonuit baptizatos de agenda poeniten-  
tiæ.

bia, & impertienda ipsis remissione peccatorum, in  
 illud Luce 3. Erat predicans baptismum poenite-  
 ntie in remissionem peccatorum. Personae autem  
 Ioannes seu Apostoli, & Christus differunt. Nam  
 Ioannes & Apostoli tantum fuerunt ministri adhibe-  
 rentes externum ministerium, per quod efficax fuit  
 spiritus sed Christus est ipse dator spiritus sancti,  
 & uitae aeternae ac iustitiae. Vnde inquit Ioannes:  
 Ego baptizo uos aqua, qui autem post me uenturus  
 est, baptizabit uos spiritu sancto & igne, Luce 3.

## DE BAPTISMO

Infantium.

Sunt ne baptizandi infantes? Resp.

Etiam. Quod sequentibus sex argumentis probatur.

1. Regnum Dei, hoc est, promissio gratiae & uitae  
 aeternae, pertinet etiam ad infantes. Nam inquit Chri-  
 stus de infancibus, Matth. 18. T. 3. T. 1. Regnum coe-  
 lorum. Item, non est uoluntas patris, ut pereat unus  
 de paruulis istis.

Sed extra Ecclesiam non est salus, aut uita aeterna.

Ergo infantes per baptismum, in quo super eos  
 inuocatur nomen Dei, sunt inserendi Ecclesiae, ut  
 promissionem gratiae & uitae aeternae consequantur,  
 iuxta illud; Sinite paruulos ad me uenire, quos

Matth.

## O B I E C T I O N E S I N

niam illorum est regnum celorum.

2. Qui nascuntur in peccato, opus habent ministerio Baptismi. Quia Deus instituit ministerium remittendi peccata, & distribuit remissionem peccatorum per Sacramentum.

Infantes nascuntur in peccato.

Ergo infantes sunt baptizandi, ut consequantur remissionem peccatorum, & fiant heredes uitae aeternae.

3. Ad quos pertinet promissio, ad eosdem pertinet signum. Nam signum traditum est propter promissionem.

Promissio gratiae pertinet ad infantes, quia inquit Christus: Talium est regnum celorum.

Ergo infanibus signum Baptismi impertiendum est, quo super eos nomen Dei inuocatur.

4. Mandatum de Baptismo est uniuersale, & ad totam Ecclesiam pertinet: Nisi quis renatus fuerit ex aqua & spiritu, non intrabit in regnum celorum.

Ergo etiam infantes baptizandi sunt, ut regnum celorum intrent.

5. Circumcisio fuit typus Baptismi.

Per circumcisionem infantes oblati sunt Deo, & recepti in Ecclesiam octavo die.

Ergo etiam nostri infantes baptizari debent, & recipiendi in Ecclesiam, ut nomen Dei super eos inuocetur.

Baptismus

Baptismus infancium mos fuit ueteris Ecclesie, traditus ab ipsis Apostolis. Nam inquit Origenes ad Roma. cap. 6. Itaq; & Ecclesia ab Apostolis traditionem accepit, etiam paruulis Baptismum dare. Sciebant enim illi quibus secreta diuinorum mysteriorum commendata fuerant, quod essent in omnibus genuina sordes peccati, quae per aquam & spiritum aboleri deberent.

Sunt igitur baptizandi infantes, ut à peccato originis abluantur.

### OBIECTIO ANABAPTISTARUM.

Christus in baptizandis requirit intellectum doctrinae, & fidem, sine qua ceremonia nihil prodest. Nam inquit: Docete omnes gentes: qui crediderit & baptizatus fuerit, saluus erit.

Infantes neq; intelligunt, neq; habent fidem.

Ergo infantes non sunt baptizandi.

Respondeo ad Maiorem, primum per distinctionem: Christus requirit intellectum doctrinae, & assensum seu fidem in adultis, sed in infancibus satis est administratio ceremoniae, per quam datur eis spiritus sanctus, qui sua interna operatione efficit

## O B I E C T I O N E S I N

In eis novos motus, & nouas inclinationes pro ipsorum modo. Deinde nego minorem: quia infantes qui recipiuntur per Baptismum à Deo, habent remissionem peccatorum, & placent Deo, iuxta illud: *Tantum est regnum cœlorum. Habent igitur fidem, quem in eis occulto modo operatur spiritus sanctus, sicut in Ioanne Baptista, & alijs.*

### A L I A.

**Baptizati à ministris malis, seu impijs sunt rebaptizandi.**

**Mulți à Papisticis ministris sunt baptizati.**

**Ergo illi rebaptizari debent.**

### R E S P O N S I O.

Nego maiorem: Quia sacramenta cum legitime administrantur, efficacia sunt, non propter ministri dignitatem, sed propter institutionem Dei, ut certa sit promissio. Ipse enim Christus est, qui ueri & propriè baptizat, non homo, cuius ministerio tanquam manu, Christus in baptizando utitur.

### A L I A.

**Mulți à uoto Baptismi per peccata relabuntur.**

**Ergo hos rebaptizari oportet, ut pristinam integritatem recipiant.**

### R E S P O N S I O.

**Nego consequentiam: Quia nix Baptismi per-**  
petua



## CATECH. DE BAPTIS. 66

Petrus est, & recordatione repetitur, cum uidelicet  
in mentem nobis uenit, nos olim baptizatos esse, &  
receptos nos semel à Deo in gratiam, & donatos  
spiritu sancto, cum hoc modo confirmamus fidem  
nostram recordatione Baptismi, est in nobis efficax  
spiritus sanctus, & recipimur iterum à Deo, cum  
agimus poenitentiam, & credimus promissioni Dei:  
sicut Dauid post lapsum receptus est, consolans se  
recordatione initi semel fœderis cum Deo per cir-  
cumcisionem, eam non repetens de integro. Est igitur  
Baptismus perpetuum uenie & gratuite recon-  
ciliationis cum Deo, testimonium ætæ ædus. Sicut in-  
quit Petrus, Baptismum parere in nobis ex resurre-  
ctione Christi fiduciam bonæ conscientie. 1 Petri 3.

## DE SACRAMENTO AL- TARIS, SEV COENA DOMINI.

Dominus noster Iesus Christus  
in ea nocte qua traditus est, acce-  
pit panem, & postquam gratias  
egisset, fregit ac dixit: Accipite co-  
medite: Hoc est corpus meum, quod  
pro uobis datur. Hoc facite in mei  
commemorationem. Similiter &  
postquam comauit, accepto calice

**O B I E C T I O N E S I N**  
 cū gratias egisset, dedit illis, di-  
 cens: Bibite ex hoc omnes. Hic ca-  
 lix nouum testamētum est in meo  
 sanguine, qui pro uobis effundit̃  
 in remissionem peccatorum. Hoc  
 facite quotiescūq; biberitis in mei  
 commemorationem.



**Q V A E S T I O.**

Estne Cœna Domini sacramentum?  
 Est. Quia est ceremonia instituta à Deo, in qua  
 acce

CATECH. DE COENA DOM. 67

verè exhibentur nobis corpus & sanguis Christi sub pane & uino, ut sint sigilla gratiæ Dei erga nos recipientis nos propter Christum mediatorem passum pro nobis, crucifixum & resuscitatum.

Requiritur ergo fides in usu Sacramenti altaris, seu Cœnæ Domini? Resp.

Etiam.

C O N T R A.

Aduersarij contendunt sacramenta prodesse utenti ex opere operato, ut uocant.

Ergo in Cœna Domini non requiritur fides.

R E S P O N S I O.

Erronea & impia est hæc opinio aduersariorum de opere operato, quia propriè nos nihil agimus in usu sacramentorum, qui accipimus à Deo gratiam, sed Deus agit aliquid, conferens nobis sua dona: ut in Baptismo Deus nos filij sui sanguine abluit, suoq; spiritu nos regenerat: in Cœna carne sanguineq; Christi nos pascit. Propterea autem fides in Cœna requiritur, quia in ea offertur nobis reconciliationis promissio cum Deo, quæ nulla alia re, quàm fide accipi potest.

Q V A E S T I O D E S A L V B R I

sumptione Cœnæ.

Quomodo igitur prodest Cœna Domini?

## O B I E C T I O N E S I N

Cum sumens corpus & sanguinem Christi certa fide statuit sibi remissa esse peccata propter filium Dei, & placatum esse Deum: agit poenitentiam, & inchoat nouam uitam, seu nouam obedientiam erga legem Dei.

O B I E C T I O, A N C O E N A D O-  
mini sit Sacramentum.

Gratiarum actio est sacrificium, non sacramentum.

Cœnam Domini uocarunt Veteres *ευχαριστία*, hoc est, gratiarum actionem.

Ergo Cœna Domini non est sacramentum, sed sacrificium.

Respondeo ad Minorem, per distinctionem: Cœna Domini uocatur *ευχαριστία* seu sacrificium laudis, quia eo utentes gratias agunt Deo pro summa beneficio Dei, quod Ecclesiam per mortem filij redemit, & confitetur hoc opere, se credere Euangelio, & inuitat suo exemplo alios: Sacramentum autem est & uocatur, quia sigillum est gratiae Dei, & reconciliationis, quo fides utemur excitatur & confirmatur.

Q V A E S T I O, A N P R O S I T  
oblatio Cœnae uiuis & mortuis.

Estne legitimus usus Cœnae Domini cum pro uiuis ac mortuis offertur, aut  
ad

ad impetranda bona corporis, aliosq;  
usus quoscunq; confertur? Respon.

Non. Quia solum ad hunc finem à Christo est in-  
stituta, ut ea fidem nostram de remissione peccatorum  
et placato Deo per mortem filij excitaremus ac cō-  
firmaremus. Non habet autem ceremonia rationem  
Sacramenti, cum aliquid instituitur extra et præter  
verbum Dei, aut cum transformatur ceremonia in  
opus genere diuersum, id est, cum alius finis consti-  
tuitur, quam à Deo propositus est.

DE SUMENDA VTRAQUE

specie.

Estne legitimus & salutaris usus Co-  
enæ Domini, cum altera tantum species  
sumitur, aut exhibetur? Respon.

Non. Quia Christus utranq; partem uniuersæ  
Ecclesiæ sumendam instituit, inquitens: Edite cor-  
pus meum, et bibite omnes sanguinem meum: huius  
mandato et institutioni Christi tota Ecclesia ob-  
temperare debet: quia est Christus magnus ille pro-  
pheta seu doctor Ecclesiæ, quem Moyses audiendū  
præcepit, Deuterono. 18. Et de quo pater clamauit,  
Matth. 17. Hunc audite. Deinde D. Paulus consti-  
tuit iuxta mandatum Domini in Ecclesia Corinthio- 1. Cor. 12.  
rum distribui et corpus et sanguinem Domini  
omnibus, et uetus Ecclesia multis annis hunc morem  
traditum ab Apostolis, seruauit.

O B I E C T I O N E S I N  
O B I E C T I O D E A C C I P I E N D A

*altera tantum specie.*

Christus tantum Apostolis, quos his  
uerbis (Hoc facite) sacerdotes con-  
secrauit, utranque partem sumen-  
dam instituit.

Ergo Laici unam tantum partem su-  
mere debent.

R E S P O N S I O.

Nego antecedens: Quia Christus expresse in-  
quit de calice: Bibite ex hoc omnes. his uerbis tan-  
Laicis quam sacerdotibus dat suum sanguinem, ut  
hoc sumpto utriq; fidem suam confirmet, et in me-  
moriam sibi renocent, sanguine Christi se ablutos  
esse à sordibus peccati. Sicut inquit: Hoc facite in  
mei commemorationem. Nec uerbo faciendo conse-  
crauit Apostolos sacerdotes, sed præcepit in gene-  
re omnibus discipulis, ut edant suum corpus, et bi-  
bant suum sanguinem. Nam de hoc opere loquitur,  
uidelicet edendi et bibendi, quod toti Ecclesie com-  
mendat ad commemorationem perpetuam suorum  
beneficiorum.

A L I A.

Nullum est corpus uiuum sine sangui-  
ne.

Ergo cum edunt Laici corpus Chri-  
sti sub pane, etiam sanguinem eius  
participant

participant, & non est necesse, ut sanguinem Christi bibant.

R E S P O N S I O.

Nego consequentiam: Quia primum mala est consequentia à naturalibus ad spiritualia, seu mysteria Ecclesie. Deinde non satisfat institutioni Christi, qui non tantum edere suum corpus iussit, sed etiam bibere suum sanguinem ad hanc commemorationem, se non tantum corpus suum obtulisse in mortem pro Ecclesia, sed etiam effudisse sanguinem, quo, ut inquit Ioannes, à peccato abluti sumus. Apoc. 1.

A L I A.

Ecclesie mos est seruandus.

Ecclesia multis annis alteram tantum partem laicis exhibuit:

Ergo hic mos est seruandus.

Respondeo ad antecedens: Mos Ecclesie est seruandus, qui non repugnat expresso uerbo Dei, cui consuetudo cedere debet. Mos autem porrigendi alteram tantum partem Laicis, repugnat institutioni ac mandato Christi, quia pro tota Ecclesia utramque partem instituit, sicut pro tota Ecclesia passus est mortuus est. Quare et hic Deo magis obedire oportet, quam hominibus, qui humana audacia ausi fuerunt mutare diuinam ordinationem, seu testamentum Christi, cum dicat Paulus, ne hominis quidem testamentum licere cuiquam rescindere, quamòvis

## O B I E C T I O N E S I N

us Dei: mos autem exhibendi alteram tantum speciem Laicis, non admodum ictus est, à Pontificibus Romanis, & Consilijs primum ante annos circiter trecentos inuectus in Ecclesiam, contra constitutionem Christi, ordinationem Pauli, & exemplum primitiue Ecclesie. Item contra Gelasij edictum, quod excommunicantur qui à calice abstinentes, potem alteram sumunt. Arceantur enim, inquit, ab integris, aut integra percipiant: quia eiusdem mysterij diuisio, sine magno sacrilegio ad eos peruenire non potest.

## DE CHRISTIANA VOCATIONE, Questio.

Placent ne Deo opera pie uocationis? Respon.

Etiā. Quia Deus mandauit ea in suo uerbo, ad conseruationem politiarum & Ecclesie, ut in eis ipse agnoscat, colatur & inuocetur. Ideo sicut in superiore parte Catechismi descripta est uita spiritualis, seu iustitia interior, qua proprie cum Deo agimus: ita in sequentibus locis de uocatione, cruce, & bonis operibus coniunctur uita corporalis, seu iustitia exterior, hoc est, œconomia & politia, quibus proprie cum hominibus in hac uita agimus. Nam uult Deus conseruari ciuilem uitam, œconomiam, politiam & imperia, ut ex ijs colligatur Ecclesie



## CATECH. DE BON. OPER. 70

fla, & conseruetur uera doctrina inter homines.  
Sunt igitur cultus officia ciuilia, cum referuntur ad  
hunc finem, ut obedientia preestetur Deo, exerceat-  
ur fides, & luceat confessio in moribus.

### OBIECTIO, OPERA VO- cationis esse cultus.

Deus uult adorari & coli in ueritate  
& spiritu, Ioan. 4.

Opera uocationis sunt ciuiles actio-  
nes corporis, non spiritus:

Ergo non sunt cultus Dei, nec placent  
Deo.

### R E S P O N S I O.

Nego consequentiam: Quia Deus non uult  
mente tantum seu spiritu coli, sed etiam confessione  
& externa obedientia: & opera pie uocationis, ut  
defensio magistratus legitima, bella, iudicia, conui-  
gium, & similia officia oeconomiae & politicae, ne-  
cessaria sunt ad ciuilem societatem conseruandam,  
in qua cognoscatur doctrina de Deo, & filio eius  
Iesu Christo. Ideo haec opera fiunt cultus Dei, cum  
ad hunc finem, uidelicet ad gloriam Dei referuntur,  
& recte à Petro spirituales hostiae uocantur. Pe-  
tri 2.

### ALIA, DE MAGISTRATV.

Multa sunt iniusta in imperijs & iu-  
dicijs. Ergo

## O B I E C T I O N E S I N

Ergo gerere imperium, & exercere iudicia, non est concessum Christiano, nec placent Deo magistratus, aut ciuilia opera.

### R E S P O N S I O.

Nego consequentiam: Quia est fallacia accidentis. Quia male uicium persone transfertur in ipsam rem, hoc est, politicum ordinem, qui à Deo constitutus est, & adiuuatur ad conseruationem humane societatis, & retinendam pacem. Vt D. Paulus ad Roma. 13. docet, inquiens: *Quæ sunt potestates, à Deo ordinatæ sunt.*

## D E C O N I U G I O.

Paulus inquit: Qui in carne uiuunt, placere Deo non possunt. Roma. 8. Coniuges uiuunt in carne. Ergo placere Deo non possunt.

### R E S P O N S I O.

Nego consequentiam: Quia quatuor sunt termini in Syllogismo. Nam uiuere in carne, non uocat Paulus esse coniugem, seu legitim: uti coniugali consuetudine, procreare sobolem, educare, instruere, & similia opera prestare necessaria ad economiam, sed sequi humanam rationem, & cupiditates illicitas ac uagas, extra coniugium, quod est institutio, approbatio, & ordinatio Dei. Gen. 2. Mat. 19. & 1. Corinth. 7.

CATECH. DE BO. OPER. 71  
DE CRUCE SEV AFFLICTIO-

nibus, *Quæstio, An crux sit signum  
amoris Dei.*

Estne crux seu afflictio signum amo-  
ris Dei erga Ecclesiam, seu pios? *Resp.*

*Est. Quia inquit Salomon Prouerb. 3. Quem di-  
ligit Deus, hunc corripit. Et Paulus ad Hebræ. 12.  
Dominus flagellat omnem, quem recipit. Et Apoc. 3.  
inquit Deus: Ego quos diligo arguo, & castigo.*

C O N T R A.

Saul non diligitur à Deo.

Saul à Deo punitus est.

Ergo crux seu pœnæ non sunt signum  
amoris Dei, sed iræ eius aduersus  
homines.

R E S P O N S I O.

Nego consequentiam: Quia etsi pœnæ generatim  
sunt testimonia iræ Dei aduersus peccatum, ta-  
men ideo Deus totum genus humanum æternis sub-  
iecit, & certis etiam pœnis certa delicta punit, ut  
eos ad pœnitentiam reuocet. Sicut inquit Ezechie-  
lis 33. Viuo ego, nolo mortem peccatoris, sed ut con-  
uertatur, & uiuat. Cum autem impij, ut Saul, & si-  
miles, contemnunt uerbum Dei, & in peccatis per-  
seuerant, tum Deus abiecit eos in perpetuos crucia-  
tus, sed pœnitentes recipit, exaudit, & liberat. Si-  
cut dixit: Venite ad me omnes, qui laboratis & o-

nerati *Matt. 114*

## O B I E C T I O N E S I N

*terati estis, & ego refocillabo uos.*

ALIA, SIT NE DEVS AVTOR  
crucis, seu calamitatis.

Estne Deus autor mortis, & aliarum  
calamitatum, quibus subiectum est hu-  
manum genus in hac uita? *Respon.*

Non principaliter, sed multa alie sunt cause:  
Quæ?

Prima lapsus primorum parentum, & corrup-  
tio humane nature propagata in posteros, sicut  
testatur Paulus, ad Roma. 5. inquit: Per peccatum  
mors intrauit in mundum. Secunda est Dia-  
bolus ardens odio Dei & hominum. Tertia sunt pro-  
pria cuiusq; delicta, seu errores, quos Deus uere ira-  
scens peccatis, punit. Primum, ut lapsos retrahat  
ad poenitentiam. Deinde, ut ceteri commonefacti  
exemplis poenarum, quæ alijs irrogantur, Deum timore  
discant, & mores regant diligentius.

## C O N T R A.

Inquit Deus Esaia 45. Ego Dominus  
formans lucem, & creans tenebras,  
faciens pacem, & creans malum.  
Ergo Deus est principaliter causa po-  
narum.

Respondeo per distinctionem: Deus est autor  
poenarum.

## CATEG. DE BON. OPER. 71

poenarum, tanquam causa puniens delicta, ut reuocet homines ad poenitentiam, non ut qui delectetur poenis seu interitu hominum, quos non ad mortem, sed ad uitam condidit.

### ALIA OBIECTIO.

Bonis bene esse debet.

Ergo Ecclesia seu pii affligi non debent, ut Abel, Esaias, Ieremias, & alij.

Respondeo ad antecedens, per distinctionem. Bonis bene esse debet, iuxta ordinationem ac uoluntatem Dei, qui Ecclesiam in hac uita subiectam uult esse cruci, & onerari eam multis arumnis. Primum ut magnitudinem irae Dei aduersus peccatum, quam cetera multitudo secure negligit, agnoscat. Secundo, ut afflictiones sint testimonia doctrinae. Tercio, ut sint testimonia immortalitatis & uitae eterne, in qua bona reddentur pijs. Quarto, ut pii similes fiant imaginis filij Dei. Quinto, ut puniatur in sanctis etiam interior immundities. Sexto, ut appareat sanctos praestare obedientiam, non praesentium utilitatum causa, sed ut Deo seruiant, & ipsum relectent. Septimo, ut appareat Ecclesiam non humanis consilijs & praesidijs, sed ab ipso filio Dei, capite Ecclesiae & duce, diuina potentia colligi mirabiliter, defendi, & seruari.

### QVAESTIO

**O B I E C T I O N E S I N**  
**Q V A E S T I O D E C O N S O L A**  
*tionibus in cruce.*

**Quæ sunt consolationes Ecclesiæ in cruce seu afflictionibus?**

*Præcipuè sunt tres.*

**Quæ?**

*Prima, Ecclesiam seu pios non casu, sed scienti Deo affligi, sicut inquit Christus Matth. 10. Omnes capilli capitis uestri numerati sunt, ne ergo timeatis, multis enim passeribus meliores estis. Secunda consolatio est, Deum ideo punire Ecclesiam, aut ut exerceat, & retrahat ad poenitentiam, non ut perdat: aut ut exuscitet, ut crescant in nobis timor Dei, inuocatio, & cetera uirtutes. Sicut inquit Dauid Psal. 118. Bonum est mihi, quòd humiliasti me, ut discerem iustificationes tuas. Tertia consolatio est promissio auxilij & mitigationis poenarum, presentia Dei, & liberationes. Iuxta illud: Inuoca me in die tribulationis, & eripiam te, & glorificabis me. Et Nahum 1. Bonus est Dominus, & confortans in tribulatione, & agnoscens sperantes in se.*

*Psal. 49.*

**D E B O N I S O P E R I B V S,**  
**Q u æ s t i o.**

**Súntne solùm bona opera, quæ in uerbo Dei, seu Decalogo mandantur à Deo?** **Respon.**

*Sunt.*

*Sunt. Quia inquit Deus Deutero. 12. Quod præcipio tibi, hoc tantum facito.*

C O N T R A.

**Christus** Luca 10. inquit: Si quid præterea supererogaueris, reddā tibi. Hic loquitur de operibus supererogationis, ut uocant, seu indebitis, hoc est, quæ spontè absq; mandato Dei suscipiuntur.

Ergo etiam cultus sunt, seu bona opera, quæ in uerbo Dei non exiguntur.

R E S P O N S I O.

Nego consequentiam: Quia Christus non loquitur apud Lucam in citato loco, de nostris operibus, sed de periculis doctorum Ecclesiæ, in quibus se promittit ipsis adfuturum opitulatorem, ut tolerare labores & ærumnas possint. Cultus autem non esse opera quæ spontè suscipiuntur aut excogitantur ab hominibus, præter uerbum Dei, docet Christus Matthei 15. cum inquit: Frustra me colunt, docentes præcepta hominum. Et apud Esaiam cap. 1. reijcit Deus tales cultus, inquiens: Quis requisinit hæc de manibus uestris?

A L I A O B I E C T I O.

**Virginitas, uenditio omnium bono-**

## O B I E C T I O N E S I N

rum, gratuita prædicatio, sunt bona opera, sed hæc non mandata tamen sunt in uerbo Dei omnibus specialiter.

**Ergo** quædam opera etiam sunt benedicenda, quæ spontè suscipiuntur sine mandato Dei.

**Respondeo** ad Maiorem, per distinctionem: Virginitas seu cœlibatus, & similia opera non sunt cultus per se seu immediatè, sed mediatè, cum ad pium & utilem finem referuntur: Vt cœlibatus, ad eum modum inserviendum uocationi, in ijs, qui donum castritatis habent: Venditio bonorum, cum postulat confessio: gratuita opera prædicationis, cum ea prodest Ecclesijs, ut pauperiores doctores liberalius ali possint. Sicut Paulus gratis docuit, ne Ecclesias grauaret, & pseudapostolorum, qui nihil poscebant, malitiæ occurreret. Sunt igitur his finibus propositis, hæc opera mandata à Deo, in ijs personis quibus conueniunt. Tale opus etiam existimanda est saltatio Davidis ante arcam Domini, non cultus immediatè, sed mediatè relata ad gloriam Dei.

## A L I A Q V A E S T I O.

Sunt ne bona opera necessaria ad consequendam uitam æternam? **Respon.**

Sunt, tanquam fructus, qui iustificationem sequi debent.



debent. Quia ad hoc regeneramur in reconciliatio-  
 ne dato spiritu sancto, ut noua obedientia in nobis  
 inchoetur. Sicut ad Ephesios scriptum est: Ipsius  
 opus sumus, conditi per Christum ad bona opera,  
 quæ preparauit Deus, ut in eis ambulemus. Et ad  
 Romanos 6. Debitores sumus, ne secundum caro-  
 nem uiuamus, sed secundum spiritum.

## C O N T R A.

Sola fide iusti sumus.

Ergo non est necesse facere bona ope-  
 ra.

Respondendo ad antecedens: Sola fide sumus ius-  
 ti, quantum attinet ad instrumentum, quo accipi-  
 tur reconciliatio, quod instrumentum est fides. Item  
 quantum ad meritum seu precium reconciliationis,  
 quod est mors Christi, non opera nostra: non quan-  
 tum attinet ad obedientiam, quæ necessariò regene-  
 rationem sequi debet. Neque enim opera à iustifica-  
 tione excluduntur tanquam fructus, sed tanquā cau-  
 sa reconciliationis, quæ causæ non sunt opera seu  
 merita nostra, sed beneficia Christi, quæ sola fides,  
 non aliæ uirtutes quæcumque, apprehendit.

OBIECTIONES DE BONIS  
 operibus, contra iustitiam fidei.

Fide sumus iusti,

Fides est opus.

## O B I E C T I O N E S I N

**Ergo propter opera sumus iusti.**

*Respondeo ad Maiorem, per distinctionem: Nō de sumus iusti, non quia fides est opus, seu uirtus, quæ sua dignitate mereatur remissionem peccatorum, sed quia apprehendit misericordiam Dei, seu quia est instrumentum quo apprehendimus Christum mediatorem pro nobis interpellantē, propter quem æternus pater est nobis propitijs.*

**Mala opera merentur æternas penas.**

**Ergo bona opera merentur uitam æternam. Quia contrariorum contrarius est effectus.**

### R E S P O N S I O.

*Valeret consequentia, si contraria essent potius integra, sed peccata seu mala opera integrè pugnant legi Dei, bona opera non satisfaciunt legi Dei: manet enim in sanctis imbecillitas, & multi alij tiosi affectus. Item Diabolus sæpe impedit studium uirtutum, & inuocationem.*

**Iacobus inquit: Vides igitur quòd ex operibus iustificatur homo, & non ex fide solùm.**

**Ergo nō sola fide iusti sumus, sed etiam bonis operibus.**

*Respondeo*

Respondet ad antecedens, per distinctionem. Iacobus loquitur de fide, quæ est notitia historie: hac non sumus iusti. In dicto autem: iustificamur fide gratis, Paulus loquitur de fide, quæ est fiducia promissæ misericordie, hac sumus iusti, hoc est, accepti Deo propter mediatorem, quem hæc fides apprehendit. Deinde iustificari Iacobo significat iustum approbati coram hominibus, habentem iustitiam operum. Sed Paulus iustificari uocat iustum, hoc est, acceptum Deo, reputari coram Deo propter mediatorem gratis.

Paulus ait, 1. ad Corinth. 3. Si habeam 4  
omnem fidem, dilectionem autem  
non habeam, nihil sum.

Ergo non sola fides iustificat, sed requiritur etiam dilectio, & cæteræ uirtutes, seu bona opera.

#### R E S P O N S I O.

Concedo argumentum: quia dilectio seu tota obedientia, & nouitas uitæ sequi debet reconciliationem tanquam fructus, & testimonium iustitiæ, sed tamen ut certa sit reconciliatio, statuendum est, non pendere eam ex conditione nostræ dilectionis, sed gratis dari propter Christum. Sicut inquit Paulus, ad Romanos 4. Ideo ex fide, ut certa sit promissio, nec dilectio esse potest, nisi præcedat fides.

## O B I E C T I O N E S I N

qua accipimus remissionem peccatorum, & agnos-  
cimus misericordiam, & statuimus nos recipi &  
exaudiri à Deo gratis propter mediatorem,

5. Christus inquit, Matthæi 19. Si uis in  
uitam ingredi, serua mandata dei.  
Ergo uita æterna datur propter no-  
stram obedientiam, & bona opera  
sunt precium uitæ æternæ.

### R E S P O N S I O.

Nego consequentiam : Quia Christus hoc dicto  
docet Phariseum, legem integram obedientiam re-  
quirere, quam nemo præstat. Ideo opus esse omnibus  
mediatore Christo. Vult igitur cum agnoscere suam  
immunditiam, quòd legi non satisfaciat. Ideo inquit:  
Hoc fac, & uiues. quo dicto conditionem integre o-  
bedientiæ requirit. Quasi dicat: Non satisfacis legi,  
Ergo lege non uiues, nisi ad mediatorem confugeris.

6. Vita æterna uocatur merces. Sicut in-  
quit Christus, Matthæi 5. Merces  
uestra copiosa est in cælo.  
Ergo uita æterna debetur pro ope-  
ribus.

Respondeo per distinctionem : Vita æterna uo-  
catur merces, quia compensat beneficia, etiamsi da-  
tur propter aliud, uidelicet propter Christum. Ut  
patrino-

patrimonium est merces seu compensatio officiorum filij, etiamsi contingat propter aliud, uidelicet, quia filius natus est heres. Ita datur uita aeterna propter Christum, & placet obediens in reconciliationis, etiamsi legi non integrè satisfaciatur. Sicut inquit Christus Ioannis 6. Hæc est uoluntas patris, ut omnis qui credit in filium, habeat uitam æternam.

Et D. Paulus ad Romanos 6 uocat uitam æternam donum Dei. Non sunt igitur bona opera meritum seu precium uitæ æternæ, quia imperfecta est impletio legis, iuxta illud: Cum omnia feceritis, dicite nos serui esse inutiles. Luca 17.

## DE OPERIBVS, VT VOCANT, medijs, & traditionibus Ecclesiæ.

Suntne ieiunia, discrimina ciborum, & dierum, & similes ritus Ecclesiæ traditi ab hominibus, seruanda tanquam bona opera, seu cultus Dei? Respon.

Non. Quia inquit Christus, Matth. 15. Frustra me colunt mandatis hominum. Et Paulus 1. ad Tim. 4. uocat ritus sine uerbo Dei institutos, doctrinas Demoniorum. Et Petrus in Actis, obiurgat eos, qui ceremonijs Mosaicis onerare gentes uoluerunt. Quare tantum cultus Dei censenda sunt ea opera, quæ Deus mandauit in suo uerbo, quæ seruari uult,

## O B I E C T I O N E S I N

*Et se ipsi coli. Sicut Ezech. 20. dicitur: Ego Dominus Deus uester, in præceptis meis ambulate.*

## O B I E C T I O N E S,

4. **Ceremoniæ in Veteri testamento erant cultus Dei.**

Ergo etiam ritus Ecclesiæ in Nouo testamento sunt cultus, quibus Deus honore afficitur.

## R E S P O N S I O.

Nego consequentiam: Quia est dissimilitudo. Nam ceremonia Mosaica instituta et ordinata erant à Deo. Ceremonia Papistica non sunt mandata à Deo, sed excogitata ab hominibus, et assuntur eis multi impij errores, ut opinio de remissione peccatorum, iustitia et cultu Dei. Item necessitas opinio, etiam extra casum scandali,

5. **Potestati necessario obediendum est. Potestas Ecclesiastica instituit ritus Ecclesiæ.**

Ergo ritus Ecclesiæ seruari debent.

Respondeo ad Maiorem, per distinctionem, quæ vera est de obedientia, quam docet Euangelium: falsa est, cum Episcopi præcipiunt ut impia doceantur uel fiant. Nam hic magis obediendum est, ut inquit Apostoli, Deo, quam hominibus. Sunt autem

per se impij ritus, abusus Missæ, inuocatio mortuorum, lex de coelibatu. Deinde etiam quæ sua natura Adiaphora sunt, impia fiunt propter errores, uidelicet, quòd sint cultus Dei, hoc est, opera quibus Deus iudicet se honore affici. Item quòd mereantur remissionem peccatorum, qui honor solum meritis Christi debetur.

Inquit Christus Matthæi 23. Super cathedram Moysi sedent Scribæ & Pharisei, omnia quæ dicunt facite. Ergo obediendum est Episcopis Ecclesiæ in seruandis traditionibus humanis.

## RESPONSIO.

Nego consequentiam: Quia loquitur Christus de ijs quæ in uerbo Dei mandata sunt, non de humanis traditionibus. Nam cauere iubet, cum inquit: Ca- Matt. 16.  
ute à fermento Phariseorum. Et Matthæi 15. Fru- Mar. 8.  
stra me colunt mandatis hominum. Et Paulus ait: Luc. 12.  
Si quis aliud Euangelium docebit, anathema sit. Gal. 1.

Christus inquit: Qui uos audit, me 4.  
audit.

Ergo obediendum est in ritibus Ecclesiæ, traditis ab Episcopis, seu gubernatoribus Ecclesiæ.

## O B I E C T I O N E S.

Respondeo per distinctionem: Obediendum est ijs, quæ iuris diuini sunt, non quæ pugnant cum Euangelio. Item in ijs quæ prosunt ad bonum ordinem, quos tamen ipsos ritus cum aut necessitas urget, aut accedit superstitio, uiolare licet extra casum scandali. Quare abrogati huiusmodi ritus, ab Ecclesijs emendatis recipi non debent, tanquam cultus necessarij ad salutem, ne hostes Euangelij conspiciantur, sauciantur conscientie, & impediatur cursus Euangelij.

51 De paruis rebus non est dimicandum.

Traditiones de esu lactis, ouorum, carniū, & similiarum, sunt res paruæ.

Ergo de ijs non est dimicandum.

## R E S P O N S I O.

Nego Minorem: Quia traditiones de discrimine ciborum ac dierum, & similiarum, impediunt agnitionem Dei, & inuocationem. Sunt autem cognitio Dei, & inuocatio præcipui cultus Ecclesie, de quibus tantum ex uerbo Dei constituendum est, non ex humanis opinionibus. Iuxta illud Ezechielis 20. In præceptis patrum uestrorum nolite incedere: Nec idolis eorum polluamini. Ego Dominus Deus æstet, in præceptis meis ambulate.

R A T I O.



**RATIONES QVINQVE, CVR**  
 recipi Adiaphora non debeant ab Ec-  
 clesijs emendatis, cum opinione  
 necessitatis, & cultus Dei.

*Libertas Christiana retinenda est, iuxta illud Pauli:*  
*In libertate, in quam Christus uos uocauit, stan-* 1.  
*te.*

*Doctrina de Adiaphoris tollit libertatem Christia-*  
*nam: quia cum opinione necessitatis imponun-*  
*tur & exiguntur ab Episcopis, tanquam cultus*  
*necessarij.*

*Ergo doctrina de Adiaphoris est reiicienda.*

*Christus inquit: Frustra me colunt mandatis homi-* 2.  
*num, Item Paulus traditiones humanas de disci Matt. 19.*  
*mine dierum & ciborum, uocat doctrinas de.* 1. Tim. 4.  
*moniorum. Et inquit: Nemo uos iudicet in cibo Col. 2.*  
*& potu.*

*Ergo Adiaphora non sunt recipienda in Ecclesijs.*

*Scandala sunt fugienda.*

*Adiaphororum receptio parit scandala in Ecclesijs* 3.  
*emendatis, quia reddit dubios infirmiores de tra* Mat. 18.  
*dicta uera doctrina, & ueris cultibus.* Marc. 9.

*Ergo Adiaphora non sunt recipienda.*

*Receptio*

4. **Receptio Adiaphororum in Ecclesijs emendatis con-**  
firmat aduersarios, sauciat infirmas mentes, &  
impedit cursum Euangelij.

**Ergo Adiaphora reiicienda sunt, nec quicquam im-**  
mutandum in Ecclesijs rectè institutis.

5. **Si aduersarij ueram doctrinam Euangelij nostra-**  
rum Ecclesiarum recipient, & nostræ Ecclesiæ  
Adiaphora recipient, sine opinione iustitiæ, ne-  
cessitatis, & cultus diuini.

**At aduersarij ueram doctrinam non recipient, sed**  
pertinaciter persequuntur & occidunt ueros  
doctores & professores ueræ doctrinæ.

**Ergo nostræ Ecclesiæ Adiaphora non recipient,**  
sed in ea libertate stabunt, iuxta admonitionem  
Pauli, Gala. 4. in quam Christus nos suo sangui-  
ne asscruit & uocauit.

**Aeternus pater Domini nostri Iesu Christi**  
benedicatur Ecclesiæ suæ spiritum fortitudinis,  
& patientiæ, ad propugnandam uerā  
doctrinam, & ueros cultus Dei.

**A M E N.**

**FRANC. Apud Chr. Egen. Anno**  
**M. D. LIL**

on  
o  
m.

4.  
fia  
ne.

sed  
ros

me,  
nem  
ni.